

明季實錄卷之一

諸臣乞貸疏

悲夫虜塵未殄寇焰先騰血濺天潢烽傳陵寢荼稱天府
誰能封以一丸晉有霸馬無復追其三駕迺者介馬橫馳
夫畿輔羽書不絕于殿庭南北之耗莫通山河之險盡失
天威不測極知漢天子自有神靈兵勢無當豈得謝太傅
但憑歌嘯留都係四方之率司馬有九伐之經義不共天
行將指日克襄大舉實賴同仇請無分官遊無分家食或
世貴如玉謝或最勝如金張或子虛之以賢起或乾輅之

古吳顧炎武亭人氏 輯

以談興乃至射策孝廉明經文學亦徃：名班國士素為
里雄合無各杼杜謀各團義旅仗不需于武庫糗無壅于
郇厨飛附大軍力爭一決但羣策直承黃鉞豈賊運得有
白頭醜類立殲普天大酺此則萬代之所瞻仰雖九廟為
之監臨者也倘策未暇夫即戎必義且先于助餉多或抵
小國之賦少則割千人之家幸濟危機何弦高之牛足惜
即非長物亦曹洪之馬是求各付有司轉輸留計此則事
強從便氣易為豪至以登隴巨商聯田富室若與措紳并
舉亦自分誼有殊然使平準法行即陽翟之確豈得居其
奇貨又如手實令在將處士之歸未可保其素封戶稱多

美之有餘總賴聖恩之無外欲與共為義士多方亦賴同
盟偶值佳緣毋忘善誘譬如同舟之誼但凡在千八百國
疇非玉臣揆諸恤緯之心決不至二十四城遂無男子嗚
呼親郊乃雍容之事唐莊尚有康韜出塞本徵倖之苗漢
武迺逢卜式矧茲何日敢曰無從不惟社稷之憂即是身
家之幸始賊之巧於為餌時亦有偃孟之仁迨我之既入
其樊莫不嬰地獄之罰齊姜宋子相牽而入平康珠戶綺
窓所過便成甌脫來俊臣之刑具公卿之被拷者痛嘗鄭
安上之畫老弱之受者酷肖是皆離民吁詵足令聽
者寒心夫連歲報陷知西安太原武昌等處皆行省也其

中金次何止一家牙籤正不勝紀若六時之牛酒不之雖
八公之草木可驅只生一慳遂成香灑豈不究哉欲圖穩
著須問前車誠清夜而念上恩雖何曾之萬錢有難下咽
更援古以籌時象豈王行之三窟便可藏身同舟即一家
破策無完卵可不思之又重思之也哉法等不足以効謀
憤何辭以即死寔切執爰之願輒通托鉢之呼人理苟存
我求必應如或纏情阿睹絕念封疆睢陽之援竟停則霽
雲抽誓言之矢荊州之衆獨擁則溫嶠有迴指之旗封章
尚達于北辰奮筆敢驚於南史是為過計亦有痴衷見起
君親約臨天日法等無任斫地呼天捶心瀝血之至

南京兵部尚書史可法 戶部尚書高弘圖 工部尚
書程註 右都御史張慎言 兵部尚書呂大器 侍
讀姜曰廣 常卿何應瑞 府尹劉士楨 鴻卿朱之
臣 僕丞姚思孝 吏科李沾 戶科羅萬象 御史
郭維經 陳良弼 周元泰 朱壽圖 王孫蕃 朱
國昌 全頓首懇

監國福王詔書

崇禎十七年五月監國福王諭曰我國家 二祖昭宣鴻
烈列宗纘緒累積深仁歷今三百年来民自高曾以逮子
孫世享太平代受亭育其在大行皇帝躬行節儉勵志憂

勤宵旰十七載力勸寇安民昊天不弔寇虐日猖乃敢
震驚宮闕以致于龍馭升遐英靈訴天怨氣結地嗚呼痛
哉賊目而屠戮我百官殺掠我百姓滔天之惡蓋載不容
神人共憤孤避難江淮驚聞凶計旣痛社稷之墟益激父
母之讐矢不俱生志曷必報然度德量日徘徊未堪終夜
拊膺悲涕永嘆乃茲臣庶敬首來迎謂倡義不可無主神
器不可久虛因序謬推連章勅進固辭未獲勉循輿情于
崇禎十七年五月初四日暫受監國之璽朝見臣民于南
都孤風夜兢 唯思迅掃妖氛廓清大難上慰祖天下對
四海忠孝之道庶幾無虧祈追深愆敢不戮力德涼任重

如隆谷淵同仇是助猶賴爾臣民其與天下更始可大赦
天下所有應行事宜皆列于後

計開

連年因寇猖獗急欲蕩平因而加派繁興政多苟且在朝
廷原非得已而民力則已困窮今寇難未平軍興正棘盡
行蠲派亦所不能姑先將新加練餉及十二年以後一切
雜派盡行蠲免其餘新舊兩餉及十二年以前各項額徵
暫仍舊俟寇平之日再行減徵貪吏猾胥朦朧混派使朝
廷嘉惠窮民之意不獲下究詔差官會同撫按官即行拏
問一面題知如撫按徇私容庇併行重處

共計三十款
不及細錄

嗚呼自有乾坤鮮慈禍亂之慘凡為臣子誰無忠義之心
漢德可思周命未改惟爾臣民尚其勛哉臣予不逮布告
遐通咸使聞知

監國福王謄黃

監國福王諭曰嗚呼予小子涼德未堪國家多難如何昊
天降此鞠凶嗚呼嗚呼哉惟先帝以天縱神資丕承祖
宗弘緒適逢國步多艱民生日蹙而勤學力政罔有休暇
冀克舜之深仁挽叔季于唐虞念茲在茲無時或怠自有
生民以來未有如先帝之焦勞者也不期以禮使臣而臣
忍以不忍報以仁養民而民忍以不義報棄倫攸斃報施

反常自有生民以來亦未有甚如今日者也馴見妖氛日
熾戮我赤子辱我宗藩毀傷我陵殿四海人心莫不欲
滅此而後朝食乃先帝受指愈加招撫彌切至于餉初增
而又減將已敗而仍收官極貪極酷而仍用無非欲化頑
為良撥亂歸治嗚呼嗚呼何皇天不弔遂至有三月十有
九日之事爰及國母掩焔相從徽音頓杳遺烈如生信乾
坤之令德肆節義以獲成然而慘變殊常貽羞千古孤雖
湫質戾氣猶存暫膺監國益切除凶謹告哀于臣民庶憐
予而多助知爾同心淒感何極喪禮依舊制以日易月二
十七日釋服母禁民間音樂嫁娶督撫鎮守都布按三司

官貧地方攸係不許擅離職守聞喪之日止于本處哭三日進香遣官代行衛所府州縣上官益免進香諭告中外咸使聞知

福王登極詔書 國號弘光

皇帝詔曰我國家受 天鴻佑奕世滋昌保大定功重熙累洽自 高皇帝龍飛奠島而已卜無疆之曆矣朕嗣守藩服播遷江淮羣臣百姓共推緒序跋涉來迎請上位踴予暫允監國攝理萬幾乃累箋勸進拒辭弗獲謹于五月十五日祇告 天地宗廟社稷即皇帝位于南都猥以藐躬荷茲神器惟我大行皇帝英明振古勤儉造邦殫宵旰以經營希蕩平之績效乃潢池盜弄鍾簾震驚燕畿掃地以蒙塵龍馭賓天而上陟三靈共憤萬姓同仇朕惟涼德弗勝遺弓抱痛敢辭薪膽之瘁誓扁俘馘之功尚賴親賢戮力勳勛助予敵愾其以明年為弘光元年與民更始大赦天下所有事宜另行列款

南中近報

南京廿一日備知北京被陷確信九卿科道連日會議以親以賢俱及福藩總督馬士英致書南中言已傳諭將士奉福王為三軍主廿七日諸臣謁陵定議勲臣有當面罵及文臣者廿八日哭告太廟兵部尚書史可法督師浦口

先於廿八日具公啓迎王矣差禮部司務迎至儀真廿九日午後王舟泊燕子磯三十日百官恭迎見王答兵部尚書大意謂國母尚無消息隻身避難宮眷未携一人初意欲避在浙東僻地迎立朕決不敢當等語及挨次進見對勲臣痛哭素衣角帶群臣行禮皆以手扶膝茶款語極其寬厚言及迎立即力辭言封疆大計唯仗衆位先生主持五月初一日辰刻王自水西門起駕由城外至孝陵乘馬從西門入饗殿以東門乃御路也拜謁罷徘徊良久問懿文太子陵欲往瞻拜從朝陽門進城至東華門步行過皇極殿謁奉先殿出西華門駐蹕于內守備百官進見行四拜禮王傳上殿共商戰守之事史可法奏對良久魏國公內守備各有奏靈壁湯國祿以戶部指餉不發為言詞義憤激兵部侍郎呂大兗呵止之御史祁彪佳奏以綱紀法度為立國之本言頒大誦及用人二事朝罷大臣科道俱會議于內守備家議登極監國咸以先行監國為便蓋愈推讓愈見王之賢明且總師討賊申復國恥無有欲登大位之意可使諸藩懾服而江北諸大將使共與推戴則將士亦宜歡欣乃以金鑄監國之寶又高枚卜及冢宰之事是日人情鼓舞王輦所至都民聚觀生負及在籍官公途皆有恭迎者有云先一日兩大星夾日是日五色雲見初

二日王召見百官升殿議事大臣面奏勸進王辭讓愈堅大意以人生忠孝為本今大仇未報是不能事君父遭捨死母后無消息是不能事親斷無登極之禮言訖涕泣又言東宮與永定二王見在賊中或可致之且桂惠端三王皆本王之叔聽諸先生擇賢迎立吏科李沾同科道奏以朝班宜肅蓋因廢措諸臣有涸入迎頌故也科道入奏迎立之意御史祁彪佳以人心大意為言王遜謝如初令百官退止宿兵部及內守備進內議事少頃再入班上勸進第一箋撰禮部呂大器跪奏王傳旨暫令監國百官退少頃又進第二箋王命傳進乃手書批荅仍領監國餘所請

不敢當初 日百官朝服王行告天禮具祝文焚時飄入雲端眾以為異王陞殿百官行四拜禮魏國公跪進監國之寶王受訖再行四拜禮乃退早間有傳後日即登極者大司馬以人言搖、亦欲再勸御史祁彪佳力爭謂監國之名極正而王之賢德益彰今監國不兩日而即登極何以服人心而謝江北諸將士斷宜發喪服之滿後使德澤及人大臣推戴撰禮部呂大器魏國公徐弘基議皆協乃定其議攝禮部吏部史可法邀諸臣會推閣臣冢臣舊例五府不入班行時因恐文武不和乃共商一番閣負推可法姜曰廣高弘曷冢臣正推張慎言陪推劉宗周先是有

傳高杰之兵已入淮揚大掠且有已欲入朝兵將家眷安頓江南之語職方司萬元吉欲親出諭立是日得高鎮及劉鎮書頗申大義去且早發喪行哭喪臨大禮且約史大司馬過江共議恢復

弘光上諭七月二十七日

上傳 聖諭一道朕遭九六之運車書間阻方資群策旋軫故都時復秋高共滋舟漏乃自殿爭啓釁則至穴間成風封事雖勤廟笑安在 先帝神資獨斷彙納衆沅天不降康咎豈在上本凜從翼爾文武大小諸臣鑒于前車不遠精白乃心匡復王室昔漢室起于艰难丙魏合志唐肅

興于靈武李郭平心若彼盾此予爾虞我詐祖分左右口搆京黃天下事不堪舟壞且視朕為何如上茲特諭爾諸臣和衷集事息爭鬪劓頸之交仇忘朝廷廉藺同車之雅嫌弭復恂朝廷以此望爾諸臣 以此體朝廷德意庶君臣之間禮全始終不則祖宗成憲弗尚姑息各宜欽承朕言不再特諭

大清檄文

予聞不共戴天者君父之仇救災恤難者鄰國之義惟爾大明太祖高皇帝斥逐胡元剪我仇國永世宥民代有哲王近乎末造吏偷民窮群盜滿野然 大行崇禎皇帝乘

恭儉之心私仁孝心行德高勢替維日不寧蠢茲逆賊李自成狗盜之雄鷓張歎視忘累世之深仁逞滔天之大惡喋血京師逼殞帝后焚燒宮寢流毒縉紳以金銀為營窟視百姓如草菅皇天震怒日月無光大清皇帝義切同仇用伸弔伐六師方整蟻衆忽奔斬馘擄遺川音各量游魂西遁指日擒夷子用息馬燕京撫茲黎庶為爾大行皇帝縞素三日喪祭盡哀謚曰懷宗瑞皇帝陵曰恩陵梓宮聿新寢園增固允諸后妃各以禮葬諸陵松柏勿採勿樵唯爾率土臣民所欲請致于大行皇帝者我大清無不曲體斯誠有崇靡缺宗藩之失職流離者為爾存恤士紳之忠

義死難者為爾表揚輕徭薄賦用賢使能苟濟生民惟力是視深痛爾 明朝嫡胤無遺勢孤難立用移大清宅此北土勵兵秣馬必殲醜類以靖萬邦非有富天下心實為救中國之計咨爾河北河南江淮之間諸勳舊大臣節鉞將吏及布衣豪傑之懷忘慕義者或世受國恩我新膺異眷或自失從王皆懷故國之悲孰無雪耻之願予皆不吝封爵特與旌揚其有不忘明室輔立賢藩戮力同心共保江左者理亦冥然予不汝禁但當通和講好不負本朝被懷繼絕之恩此敦睦隣之誼其有量力不敵北面歸誠者當各搜勁旅佐我西征或削平所屬用以自效無不開懷

延納樂共功名來歸之士蠲復二年與民體息凡諸恩典俱俟後詔舉行若國無成主人懷二心或假立愚弱實肆跋扈之本謀或陽附本朝陰行草竊之奸究此皆民之蠹賊國之寇仇予定三秦即移師南討殪彼鯨鯢必無遺種嗚呼順逆易判勉忠臣義士之心南北何殊同 皇天后土之眷布告天下咸使聞知

長安道上騰出閩賊謀逆詐偽罪狀以醒民迷正訛復仇說

閩賊李自成陝西米脂縣人一丁不識韶年响馬營生故號閩賊箭中殿目而狀聞河南杞縣舉人李嚴又名李年

公子嘯聚一方互同謀逆嚴死斬潼關而人秦盜仁義之虛聲播強暴之實事偽示傳云殺一人如殺我父淫一婦如淫我母及毀我先帝加派等語其實貪詐謠酷亘古未聞甲申歲首日僭帝于秦擅改國號大順永呂元年二月間西犯太原有等偽儒謬信偽示妄自保強率百姓啓門速迎遂陷賊網反受慘酷我先帝隨出榜諭禁止訛傳京師內外奸細雜處雖有嚴諭竟不早悟及陷寧武周遇吉焚家直迫居庸關榜戍倒戈株無實報隨議八監出鎮飢殍散兵悉拔監伍守不成守戰不成戰觀望都外而都內之隊伍蓋空亡都之禍實基于此矣不料賊兵三月十七

日突擁城下樞司令箭不行無計出城兵不已落於奸監之手矣十八日申刻賊兵竄入彰義門巡城太監杜秩亨等獻城十九日辰時賊兵奮入內城守雉遊兵棄械爭奔九門恟為賊兵所據且詐傳云我未安爾百姓百姓毋得驚惶令黃紙為號順民二字貼于額懸于門即不妄殺是日酉時先帝披髮跣足崩于大內免耳山內監王之後跪縊于帝前遺詔于衣袂云只曰朕失天下無顏冠履見人有百姓不可戮百官不可留之諭周后表妃不憚一死隨先帝于地下諸宮嬪投竄而出者復為攔入闈賊潛駐殿庭宮中怨恟唯述賊兵數不盈萬兼以童穉押伍揚寡

為衆虛張賊勢屯于民房遍城男女為賊燒鍋秣馬一更時分有駐本家者捆打勒索錦兩飾服姦妻女婢妾又時或公瓦竊入鄰家被其辱者舍羞不忍言更出奸詐殺一降兵于棊盤街詐稱賊兵奸淫人妻子者棄市示警日後都中生負李名世賊姦其女赴稟劉賊將捆賊及生負并女咸嚇女子不敢招認及屍分生負廿日又出偽榜凡在京大小官負一槩報名彙察令長班內外搜尋不許人家容匿各官時有投寺祝髮者有焚縊投井者有畏怯朝見者廿一日朝見自辰至晡逐名點察撥賊名嚴如囚犯押赴劉李二賊將鞠究刑拷追此銀兩或數萬金或數千金

又數百金恠刑之下不惟無倖生亦且無完膚矣或以宰
輔而哀告願効犬馬或以御史而叩頭于兵卒之前敗名
喪國亦云極矣惟尚書倪元路見機先縊戎政尚書王家
彥墜城慕亡輔臣范景文都御史李邦華副都御史施邦
曜詹事劉理順等皆以不避難而殉節樞部主政成德致
酒鷄以祭先帝簡討汪偉留詩句以旌厥忱從容就死共
計廿餘負其投逆降表及續尾勸進者亦廿餘負反被賊
面叱碎表若惠安伯張慶臻舉家自焚襄城伯李國禎罵
賊不屈侃侃直言要以帝禮殯葬有太子勿毀宗祀不惧
刀鏃氣何壯也先帝賴而歸陵襄城之力不小矣賊將劉

國公夾打恠刑俱是此人所囑訊決朝臣枉用鐵夾棍斷
人足箍人腦頓斃杖下若庶吉士張家玉面訐賊十罪受
袒刑七日不死可不謂愧鬚眉矣不能決絕一死君子惜
之賊卒嘗語人曰我等本無大志不過來此遊戲耳詎料
許大京師三日而突入總因將相不能冲敵倘有一隊擁
來我盡散而去耳安能飽吾所欲哉至四月初間拷索各
官殆盡遍訪街市勒各當舖商賈等行及一切紳監富民
甚至賣醬醋寺僧開茶飯小店亦必搜括盡錙銖以滿額
壑初七夜令五城偽兵馬各備車數百輛財寶星運入秦
舍子女玉帛之外別無大志若微因概行審釋或援為濟

寧道等官令順天府考選儒生有受愚而赴考者分別等第授道府官及知州知縣等官羈眷屬于都為質賊兵押赴荏任聽兵吳三桂探其舉動屢振邊急以誘其出初九日帥兵大數之斬首千餘級賊聞之而惧十三日留賊太帥牛金星監守借征東之繇携我兩皇子各騎一馬于前闖賊自張一小黃蓋于後出東齊化門其隨兵寥寥可指而數是日行至張家灣奔宿天津衛僅見數十賊兵往來河畔絡繹窺探十七日過德州偽知州及道官奉行賊政恫拷紳民間前部謝陞限追銀十萬兩自贖不從乃商之衛弁謝閣部願出資金召募鄉勇互相捍禦先除偽官與

衆放死

欽差

提督京城內外禁門杜巡城點軍司禮監杜秩亨

靜海人

提督京城內外巡捕訓練兵馬司禮監

王之俊詩王承恩保定府王德化容城人王之新

新進士南歸口述寔錄

自逆闖竊據之後降賊投偽官者不可勝紀其九大逆不道者莫過周鐘之黃綠牛賊得草偽詔有云萬姓歸心獨夫授首比克降之揖讓而有武功邁湯武之位誅而無慙德等語又有急下江南策魏學濂凡三上疏其一則以李賊父名務請改職名其二獻僭漕策其三獻繇海道平浙

策又陳名夏等醜分邀偽官韓通霖等同飲學瀛行令猜
拳滿座無敵偽官駭服又聞賊下令帶來偽官皆得乘轎
及馬餘降官止許乘驢親見學瀛騎一小驢穿偽式黃袍
背負一偽策在草場看芻指揮得意旋領泛海平浙之策
差回江南聞賊召見光時亨面加獎勵隨諭卽原官視事
時亨寄書其子曰諸葛兄弟分仕三國伍負父子亦事兩
朝我已受恩大順汝等可改姓趙仍當勉力詩書以無負
南朝科第項煜以太常寺寺止奉偽命祀泰山一路馳驅
過山東姑變服若至頌班勸進朝賀最先者則何瑞徵韓
四維楊廷鑑周鐘魏學瀛也進則媿媿頌言退則揚揚自
得者梁兆陽楊觀光也其地各從逆狀不能殫列有一新
進士未授職者以四月十九日出城奔歸目擊口述但有
遺漏更無差訛原携偽緡紳一冊欲上聞以定逆案因
中途被劫赤身歸南僅錄此

賊臣改六部政府改

六部改名為政府翰林院改弘文館守備改名守領把總
改名為守旅衆官朝賀闖賊畢選人材豐偉及知名七十
五人至吏政府過堂聽用其餘出西華門每五賊持一人
銷去拷打索銀兩方岳貢拷打不已乃獻下江東計

迎降擁戴賊臣紀

楊觀光 陳名夏 周鐘 楊廷鑑 韓四維 項

煜 朱積 趙玉森 魏學瀛 葉初春 史可程

党崇雅 熊世懿 龔易孳 宋學顯 熊文舉 周仲

璉 方允昌 湯有慶 繆元 錢位坤 刑部主事

李登雲仙悌 晉江人丁

獄中出侯恂董心葵為首率領朝見闖賊慰侯恂畢特呼

董心葵再拜三稱慰俱留聽用 楊廷監加俸一級與陳名

夏為左右親信近臣夏從征因敗歸 周鐘弘文館編修

新進士俱陞一級用 宋企郊泗州陝西統州人戊辰山西布

政司簡較今授吏政府偽尚書 東閣太學士李達泰括

山西曲沃人北欽命守保定賊至即命中軍繼城迎降

叅謀翰林山西絳州人辛酉宜興新進士史夏隆附會之得

叅見闖賊 誨官黎志陞約湖廣華容人山西提學叅政

偽宣諭勸書官品弼周思皇山東鄒平人辰河南駙傳道金

事五月十日持賊令箭謾書至宿遷縣為搃漕路振飛按

院王變縛于西門皇華亭乳箭射死令碎其屍淮之士民

爭食其肉鼓掌稱快 又獲癸未進士武愷陝西涇縣人

同偽遊擊王樂吾王富偽旂官宋自成同擒解三偽官及

從逆生負胡來賀李魁春或梟首傳示或擲河流矣

徐州孝廉閻古古名爾梅貼武愷詩

西北神京望黯然，群峰曠盡如烟。祖宗此恨應無地，君父之仇不共天。漢在豈知王氏璫，宗興猶紀晉家年。冠裳滿目男兒少，惟有頑民一任遷。生者非生死者生，鴻毛最與泰山爭。楚人未必無三戶，夏后傳聞有一成。舊國公卿新勸進，同時筐篚獨踈耕。首陽碑下重來語，不殷為高為大明。官道塵封細柳黃，人呼軍彩變河陽。從龍詔出風雲改，佐命勳高帶礪光。景略歸秦終戴晉，懷英相武竟存唐。英雄忍淚尋知己，一夜瀟瀟灑北風。

同僧夜飯有感

把酒空階客未眠，繁星如雨亂中天。老僧猶紀端陽夜，說

是崇禎十七年

明季實錄卷之一



國家圖書館, NATIONAL CENTRAL LIBRARY, TAIWAN, R.O.C.

明季實錄卷之二

右吳顧炎武寧人氏 輯

又貼書一封未及載 燕邱實抄

梁谿華蘭芬馨之述

三月初三日 先帝驚聞李賊圍城勢漸緊始將悞國樞
臣張縉彥 召對斥棄十八日賊破彰義門十九日賊破
前門黃國琦卽令中官執賊傳人琴弦白綾進于 先帝
時先帝已率勁旅千餘騎出平子門中官以砲擊回：入
殿上將宮主劈面一刀隨着 聖母自縊卽走入煤山長
壽宮身着小白綿紬衫披髮跣足咬指血題襟曰百姓不

可殺百官不可留朕實不德以致失國無面目着衣冠見祖宗于地下任賊車裂我屍卽自縊死後襟上血痕尚如生也用白楊木棺殮置東華門之茶庵簾棚下安葬無期一賣菜傭見 帝 后柩慟哭觸堦而死賊兵所到郡縣絕無戰攻專用奸細傳布流言安民順從者秋毫無犯抗拒者全城屠戮故以官民聽其愚惑及至入城卽藉沒勲戚復串通長班抄捉百官晝夜酷刑索銀千萬如火輔陳演金珠一斗周嘉定伯銀七千萬是也詐銀後留用文武各官不論才品只看肥白長大便卽收錄至于百姓沿門搜掠財帛婦女旣盡仍各夥據一家責供軍需滿城百姓

短褐苟完卽被酷炙所搶貨財小軍私三四以解將令將今又私取三四以解李賊一人所獲多者千餘金最少四五百金腰纏既富人多錮井之思絕無勇往赴敵之氣且賊營中頭目各相雄長目無厥主李賊屢欲篡位每相對偶語輒云以响馬拜响馬誰甘屈膝又言我輩汗血殺來的天下不是他一人本事煩言嘖嘖穢褻不堪况賊之來假道西虜以市馬失信西虜怨之八骨向連東虜同吳三桂併力勤王賊兵七萬一舉殲滅有以也遼陽總兵吳三桂帥兵十五萬詐降李賊奏云太子在需索一見然後死心降伏李賊卽令百騎擁太子出吳亦百騎迎之見時相

持慟哭擲刀為號百人即殺起奪太子潰圍而出兼程三日
日夜擁至遼陽總兵唐通者亦降賊將也特來說三桂降
桂正色云往年我父死于李今國又淪喪吾與賊誓不共
天奈何說箇降字唐赧顏而退三桂嗅帳下士曰吾終忠
不成忠孝不成孝何顏立于天地間有自期而矣帳下遼
兵一萬齊聲曰將軍奈何如此說吾輩皆能敢死殺賊三
桂曰若欲殺須即日殺起帳下人即時斡疾走殺入唐通
營中先將唐通殺死部下三萬人亦隨殺到京中十三日
賊忽聞唐通信息遂自領兵七萬趕至遼陽遇吳兵殺傷
殆盡至十九日神京被陷殉節者寒一二三十人風節掃

地聊識其姓名于左

守城被刺墜城死者戎政右侍郎謚忠端王家彥通首田
人壬戌 守城遇賊斫死者則有河南道御史謚忠烈王
章雲武進人戊辰 投井死者東閣謚文貞苑景文質吳
橋人癸丑 投御河死者車駕司都主事謚忠節金鉉一
北直人戊辰 衣冠坐堂上仰藥死者左都謚忠文李邦
華懋明吉水人甲辰 自縊者大司農兼學士謚文正倪元
璐鴻寶上虞人壬戌 左副都謚忠介施邦曜四餘姚人已
未 吏部負外謚忠節許直若如皋人甲戌 吏科都給
事中謚忠節吳麟徵齋海鹽人壬戌 戶科都給事中謚

忠節吳若來受和江西新昌人辰戌左庶子謚文節周鳳翔

軒山陰人戊辰廿二日王德化激而死夫婦縊死者簡討謚文忠

汪偉源江寧籍休寧人辰戌同二妾縊死者侍讀謚文

忠馬世奇修素無錫人辛未妻妾同時縊死者修撰謚未

正劉理順湛杞縣人甲戌父子夫妻姑媳縊死者刑部

右侍郎謚忠貞孟北祥首北直交河籍澤州人壬戌子章

明宜網癸未進父子同殉難全家死難者惟有兵部郎中

謚忠毅成德升玄從容觸堦而死者懷柔籍霍州人辛未

至廿一日縊死者大理寺正卿凌義梁柯若烏程人乙丑此

皆京職也有在外任而死者得三人也宣府巡撫朱之

馮勉順天大興籍徐州人乙丑大同巡撫衛景瑗帶黃韓

城人乙丑山西三關總兵周遇吉粹錦州衛指揮勳

戚之中全家自焚者得四家焉少保五都督劉綎祖齋任

丘籍南直海州人左都督劉文燿駙馬都尉鞏永固洪

大興人惠安伯張慶孫華鳳河南永城人真可與國同休

戚者矣二曰遁迹之臣能不投款不報名託迹緇黃理名

撫牧亦有不忠故主之恩焉共得十一人工科都給事

中汪惟效沒祁門人辛未浙江道御史周亮元亮祥

符籍金谿人庚辰原任安盧巡撫鄭二陽潛鄖陵人已

未原任登萊巡撫曾雲二峽江人丙辰寶城知縣

曹鼎臣公如皋人丁丑 新進士官偉鏗紫秦州藉靜江

人 施燦 史夏隆 太常卿王都清德州人乙丑 戶

部主事蔣臣諱合肥藉桐城人荐舉 廣東道楊甫銘錦

四川筠連人甲戌三日受刑之臣志辱也最不可解者首

得四相焉生為上國柱猶不能拚一死意欲何為夾而不

死者東閣方岳貢高穀城人壬 夾而死者中樞殿大學

士陳演贊四川井研人戌壬 東閣邱瑜翰湖廣宜城人乙

丑 魏藻德思順天通州籍上元人辰其餘吏部尚書李

遇和贊陝西洋縣籍四川榮昌人戌 吏部左侍郎沈惟

炳炎州孝感人丙辰 工部尚書陳必謙益常熟人癸丑

左中允衛胤文紫韓城人辛未 楊昌祚昭宣城人甲戌

右中允林增志在江西瑞安人戊辰 編修李士淳二廣

東程鄉人戊辰 山西道吳邦臣震錦衣籍山陰人庚辰

兵部右侍郎金之俊豈嘉興人己未 司祭負外吳泰來

履新昌人辛未 刑部尚書張忻海掖縣人乙丑 子張

端天柱庶吉士癸未 浙江道憑垣登心新昌人庚戌 江

西道張鳴駿廣龍溪人庚辰 戶部郎中彭敦曆靜溧陽

人庚辰 戶部右侍郎吳履中止金壇人乙丑 工科左

給事彭瑄予四川永州人甲辰 刑科右給事朱徽遂進

賢人辛未 簡討方以智曼相城人庚辰 編修宋之繩

其武漂陽人癸未 吏部主事吳學昌九虞固始籍南昌人庚

辰 工部主事趙士錦之前常熟人丁未 雲南道鄭芝勳

初全莆田人甲子 工部主事申濟芳維長州人官生 武

選司郎中朱蒂煌玉璠無為籍五開人甲戌 行人司劉中

藻洞福安人庚辰 工部員外潘洞春皆餘姚人丁丑

工部郎中李逢中延青浦人己未 管文選司事沈自彰大

興籍上元人辛丑刑部員外聶一心感富順人庚午 雲

南道衛禎國紫韓城人甲戌 行人謝子宣鄆縣人癸未

太常博士龔懋熙玉四川人庚辰 庶吉士授劉廷琮繞從

化籍番禺人癸臨淄知縣鄒逢吉夔湖口人丁丑死

兵部主事劉若宜泰懷寧人丁丑行人張元輔相山西孝

義人丁丑 或夾而死或不死總是備極慘毒囚虜

為伍辱至此極矣尚可報顏立于人世耶尤可惜者吏部

主事楊玄錫康晉江人甲戌此人十三而登科十四而登

甲人羨以為仙佛再世乃亦包羞忍恥至此至于庶吉士

張家玉並東莞人癸未業已罵賊不絕口矣綁出要馴遽

爾回心為烈不終君子惜之

泣鼎傳真錄

一光帝烈崩始末 三月初十日唐通入援 召對賞賚

甚厚 十三日通遇賊於居庸關一戰即敗：即降京城

震惧九門皆開襄伯李國禎率京營兵結一大營於城外
十六日昌平破 十七日上午賊至城中疑是叛兵又疑
是援兵及奪京營大砲攻城始知是賊攻甚急彼此砲聲
不絕如雷轟地裂聞之寒心 十八日攻愈急砲聲益厲
城外火光徹天砲子直打進朝天宮是夜太監杜勳自宣
府回弔城入見言賊人馬強衆鋒不可當請 皇爺自為
計 上遂命曹太監添人守塚約以三燈籠為號事急則
豎 上又同杜勳登梅山頂望逾瓦時下變服步自順城
門至海岱門見勢亦可守回乾清宮將 太定三付周皇
親 永王付劉皇親訖宣 長公主來手刃之即巡中宮

見 周后先縊死歎曰好了又巡西宮見 袁妃有不欲死
之意乃連欲三刀 上亦為之手軟又喚太監王承恩快
鞋穿手指三眼鎗率內相數十人奪門不得而歸見前門
三燈籠一時俱豎起遂自縊崩於右樹下王承恩對面跪
自縊而死諸宮人內相紛々奔走說 皇爺不見了守城
太監杜秩亨遂同兵部尚書縉彥開門迎賊入城遂陷
一諸臣被誘始末 十九日城陷人心俱駭後見殺人不
多人心反安 二十日賊出偽示限諸臣次日齊赴東華
門投職名願仕者量才擢用不願者聽其回籍如一人不
到察出定凌遲處死地方隣右連坐諸臣以是不得不出

亦不敢不出 二十一日皆赴朝房見 帝后二靈在東
華門外乃是柳木棺 先帝披髮跣足衣上書血詔情狀
甚慘大監王德化痛哭呼諸臣求賊赦喪又群毀兵部尚書
張縉彥賊見將化殺之爾時又情慘痛天地晦暝諸臣爭
築禮少頃賊偽學士安濂代為傳宣許以舊隣一襲葬以
帝禮祭以王禮下午各歸於是死者死逝者逝削髮者削
髮矣 廿五六日滿街捉士大夫拘繫枷鎖相望於道以
長班家人作眼捉得一人賞銀五兩箴匿一人卽刻斬首
故無一得免者 廿七日牛金星點名會極門用者從東
華門出送吏政府收用不用者從西華門出賊兵五人押

一隊送劉李王郭諸賊營日拷 廿八日用者高冠寬袖
或從步或騎馬揚：得意不用者桎梏囚首愁慘痛楚徹
天動地大約賊於諸臣惟痛恨削髮之人其餘亦無所愛
憎但視點名時應聲之遲速與狀貌之恭倨而已

一聞賊逆天始末 聞賊李自成陝西米脂縣人貌甚寢
陋眦一目鬻肉哭出流涕血一人持巾帕侍其傍揩拭不
已與偽國公劉宗敏等二十餘人結為兄弟亦無高下皆
以大哥相呼破城兵不滿二三萬且中多十五六歲小娃
子餘皆秦晉降卒賊輩自相謂曰我們原無大志不過放
响馬為主備們一路開城接我所以纔得到此不曉得佞

大一个北京也便開門了若再守十來日不開我們糧完便去了又有一矮賊名宋軍師說北京怎麼就破這也是天意了闖賊初二三日每欲登極升殿輒頭暈目眩不能存坐先是一入皇城便彎弓向承天門扁額祝日若做得事成便射着一字不成射着空處一箭中天字左空其兆可知矣群賊又相聚埋怨他說備既要代大明承天如何矢射天字先問進大明門何以不射大明二字闖賊亦覺氣沮又常日十個北京不及一個陝西故所掠金銀盡搬駝西去其志可知矣 初七日晚闖賊到劉宗敏私寓田皇親故宅飲酒夜深謂劉曰死的是明朝忠臣剃頭的新

不可寬他其餘文官也寬他些罷故 初八日劉賊所囚諸臣盡行放出 十二日城中忽傳吳總兵三桂告示云義兵不日入城戴白的便不殺更有台星可汗等告示甚多衆賊相對失色 十三日五鼓殺官三十二員陳演為首餘皆勳戚天明闖賊殺帽箭衣騎馬獨先太子二王各令一賊挾之馬上賊兵盡調出誠所留數千老幼爾時賊兵畏恥啼哭不願去多棄馬逃走雖殺之而不能止初賊入城云不殺不淫三日而殺淫如故民之惡賊而思先帝不可言賊兵攻城時闖賊誘其用命許城破後每人賞銀二百兩至是毫無所與賊之相怨而思吞噬不可言兵民

皆惡一戰而賊滅斷不可必也

閩中吳鴻磐染血書

君父之仇普天共憤草野小臣旅落靡依欲移文而苦無
官守欲捧檄而苦無軍政勒血數言聊當掃天之泣用告
諸友之同志者通者李自成犯闕士誰不磨厲請纓滅此
朝食况李賊丁字不識唯利是攫犯闕後點令百官集朝
選用既集迫勒助餉金銀既盡繼以幣帛幣帛既盡繼以
衣服掌隊有索小兵有索之不已有斃其身有辱其妻子
有累其親戚然亦有選用之者嗟乎猶是士也顧為賊選
用苟不幾羞儒林辱名教取訊當時以貽笑於千秋萬禩

乎此我願多士整衣冠升明倫堂攷自所學何學文可以
草露布武可以佐我行忠孝干城是士是將鼙鼓逢天
下必有雷同響應以共誅戾於亂賊其一

先皇帝冲年登統首鋤逆璫使血碧諸臣垂炤古今至於
早朝晏罷勵精而圖布衣蔬食念福而惜從諫不拂而美
帝轉圜立賢無方而弗但推轂兵荒水旱所在奏聞未嘗
不泣聲大哭狗馬聲色臺榭遊觀俱無所好是十七年勤
苦真無異茹荼嗟乎有君如此而忍負者誰乎乃都城之
變圍二日而即趨附何與蓋李自成狡賊設詭愚民遂
因詭受愚今日降我者不殺順我者不屠富者安堵貧者

賑恤民愚於是始而書順貼門繼而書順貼額舉國紛
盡以為時雨之沛詎意其不戢強兵擁至居其室攘其食
搜其衣裳括其財物寢其床第淫其妻女奴隸差役其夫
子稍不如意則鞭撻再不如意則劍刺有一兵淫人妻同
隣三人共首反以為妾將三人俱殺有一兵淫人妻為其
夫而殺以街坊長幼六十人償一兵之命陽禁陰主縱恣
貪淫且李賊不過鹵莽一流寇耳闇奸天位鴻臚唱進行
五拜三叩頭禮偽相牛金星偽都劉督宗敏罵云與我輩
同夥有何本事安然受我拜只拜二拜既而爭立金鑿之
上三冠並峙真無忌憚人之所為也賊心寔不安詭言內

帑得金一百萬得銀六千七百萬以甚我先帝聚斂之暴
以怒我天下民離洩之心終乃大肆屠戮馳馬西去可憐
都城杳無人影歸順初心顧至是與要之輦不斯民密通
王室反顏事誓自取殘滅竟亦誰咎是所望於萬民忠義
奮烈風雨雷電八面冲擊斬毋令亂賊之稍有餘息其二
日者聞賊犯順我 國家死難諸名臣 大行皇帝出喪
之日止一李襄城國禎匍伏哭送葬畢自刎真勳臣中第
一人也聞變殉難者京營御史王章入宮儼殉先帝行至
朝天宮為賊兵所殺大司農倪元璐從容就儀朝衣北向
儼然如生甲戌曷元劉理順合家殉節共一十八人俱赴

井死總憲李邦華死時望北辭闕向文：山先生像叩首
口占一贊一絕句使家人扶縊副憲施邦曜亦口占二句
自縊閣臣范景文投井死宮詹馬世奇殮其二妾而從容
自縊宮詹周鳳翔有二妾同殉詞臣汪偉妻 取氏同難
大理卿凌義渠夫人 氏同難車駕司主事成德勳臣中
駙馬弘鞏永固全家縊死新樂候劉文炳全家自焚其死最
慘已上諸臣俱于十九日死其不受偽命而繼死者吏科
都給諫吳麟徵銓司許直太僕寺丞申佳胤戶科都給諫
吳甘來職方金鉉順天提學陳純德御史陳良謨少司冠
孟兆祥子新科孟章明同父死節襄城伯李國禎則最後

死其節義直感天神矣外此猶有多而未悉紀者是南朝
就義固不特李侍郎一人也嗟呼 九廟英靈天地愁慘
稍有壯心熱血誰不髮豎眦裂夫東山係蒼生之望汾陽
得將士之心英風高節千古猶聲彼劉聰朱泚輩雖猖獗
一時究必膏諸斧鉞亟宜磨厲請纓滅此朝食真 社稷
於磐石安民生於衽席吾不能無望於先生大人其三
記中有與別本不同者同縊太監王之材戎政侍郎王家
彥殉難宣城伯衛時春將家資先散門下從人與母妻妾
俱墮井死成國公朱純臣閣門俱死惠安伯張慶霖閣門
自焚死山西總兵周遇吉被李賊剝死

記之以
備參考

西蜀拔貢日樵道人吳邦策一匡甫記

三月十三日闖賊躡居庸關京師九門皆閉擊人：膽裂
十八日大雨攻城益急砲聲益厲見城外火光徹天守城
軍民皆無固志一更時太監杜勳自宣府回同內人王承
恩繼城入朝奏言賊勢浩大人馬強衆鋒不可當 皇上
當自為計上即同二人登梅山頂四望逾時方回乾清宮
命進連飲數金杯宣 二皇親去吃隨宣 長公主入苑
相對涕泣 上欲手刃之意甚遲疑久之忽奮身而起連
砍二刀主以手格臂斷悶絕於地 上即巡宮見 聖母
已先自縊又巡至西宮 袁妃並未有死意 上手誅之

三砍 上亦肉顫手戰因遍 呂妃嬪中曾幸者俱一：

誅戮搜王承恩靴穿手持三眼鎗帶內相數十人遠城奪
門將至平子門中官以砲擊回即走入煤山長壽宮與王
承恩對面縊死於古樹下宮人及內相紛：奔逸而散
十九日辰時賊兵皆入內城守雉遊兵棄械爭奔九門盡
為賊所據巡城太監杜秩亨等同兵部尚書張縉彥開門
迎降賊自齊化東便二門入擄掠甚慘先帝於十八日夜
三更奪門南奔闖賊已入承天門射一箭正中天字上面
二十日闖賊入宮不見 皇上出示云有能得 崇禎者
賞萬金封伯爵 二十一日忽見板門穿二屍出送東華

門外朱國公門首用柳木棺盛置破蘆蓆下蓬頭跣足穿短衣有遺詔在腦云朕已喪失天下不敢下見祖宗亦不敢終於正寢 聖母屍去於宮門牆外策未目覩也是晚百官出見內監王德化等數十人擁打兵部尚書張縉彥責其開閉迎賊諸內臣哭求文武諸臣上議先帝祭葬之禮一時臣民萬人俱涕泣哀蹄少頃見青衣一人持一硃批云帝禮葬王禮祭 皇后葬以后禮祭以妃禮二子待以祀宗之禮衆官亦有哭求以帝禮祭者傳示云准行了有北京城百姓萬民成服哭臨三日者置不報 廿二日至廿五六日則擒拿士大夫拘繫 廿七日賊相牛金星

坐會極門點名用者從東華門出送吏政府收用大書姓名於部門外不用者從西華門出每五賊押一人繫李劉二賊私寓 廿八日選用者俱用帶高冠鮮衣乘馬揚長安道上不用者拷打逼索蹄泣之聲徹於街衢直至五月初九日為劉賊所繫者俱得釋放在李賊寓者仍幽繫五月十二日吳三桂有曉示大張四門云義兵不日入城凡我臣民但成服者俱不必驚惶是夜傳聞闖賊殺官三十二員陳演為首餘皆勳戚 十三日蚤闖賊布箭衣鞞帽挾太子 二王俱玄色布衣前行傳令盡撤群盜東行有不願去者即殺之各城門只餘老弱 廿三日授梁

北陽兵政府侍郎召見文華殿叩首云 先帝無甚失德
只因剛復自用至使君臣之誼否隔不通以致萬民塗炭
留害并至闖賊云朕只為這頃百姓故起義兵陽又叩頭
云我 皇上救民水火自秦入晉歷恒岱抵燕都兵不血
刃百姓皆簞食壺漿以迎可謂神武不殺此隆堯舜若湯
武不足道也臣遭逢聖主敢不精白一心以荅千載之知
週闖賊大喜留坐留茶甚為款曲辭行時陽向上打躬賊
亦向下一躬以應之陽已半身見賊尚未起復鞠躬出語
門生貢士伍世魁言之津津有味 五月初十日賊臣禮
政府侍郎揚觀光入文華殿問郊天何以不茹葷酒不近

女色不行刑亦有說乎光叩頭云天人一氣所感不茹葷
酒欲其心志清明不近女色欲其呼吸通靈不行刑欲養
天地慈和之氣以感格上蒼賊云俱是至理之言先生說
得是以後先生嘗進未諱 留坐留茶辭出打躬賊送至
簷下答禮陽光復各各一次不肯迹其語闖賊對劉李牛
顧諸賊云各官於城破之日捐軀殉難的是忠臣若身體
髮膚受之父母不敢毀傷削髮之人不忠不孝留他何用

勲戚臣死節紀

皇親新樂侯劉文炳涇任邱籍海州人九十歲祖母其子
繼祖裕其弟文耀文炤俱都督臨時擇一大井將男女子

孫十六口盡投於內閉門縱火焚賜宅火發乃自縊 惠安伯張慶臻華鳳永城人加銜至太傅都陷家則器周盡散親戚致酒一家團飲積薪四隅全家焚死 按會典凡伯爵承襲病故者祭二坛若管事有功績加之太保以上者祭十五壇今照軍旅身殲卹典特加祭一坛造坟安奠建祠主祭謚忠 東宮侍衛周鏡正我大興籍長洲人嘉定伯周奎之姪也母妻一門俱死 駙馬都尉鞏永固洪圖大興人 公主先一年卒柩尚在堂有親生子女數人悉以黃繩繫之靈前縱火焚死大書世受國恩身不可辱人字自縊於前廳謚貞愍子祭十六壇造坟建祠致祭一如張惠

安 襄城伯李國禎端兆和州籍豐城人見賊不屈面叱賊

要以帝禮殯葬 帝后保全太子二王勿毀陵寢許之至

四月初五日泣送 先帝歸陵遂自殺真勲臣中第一

也謚貞祭葬祠加惠安伯 戚臣中有傅國英公張世澤

祥符人 清平伯吳道周鼎遼陽人 陽武侯薛灑中膠

州人 博平侯郭振明星江浦籍齋東人 永寧伯王長

錫伯上元籍萬全左衛人 左都督李國柱天冀州人他

所傳尚有王劉二皇親未詳姓名

文武臣死節紀

東閣太學士兼工部尚書范景文質吳橋人癸丑都城將

陷召對時已絕粒三日矣唯飲泣入告聲不能續十九日
聞城破遂拜闕歸慟於誥封妻陸氏靈前自縊死：最早
時閣臣齊：死者唯范公一人卹典以率先殞義以死勤
事抗節不屈身死綱常之例二品官尚書大學士加陞一
品祭葬 特恩照先朝舊輔蔣冕贈少師予祭九壇有司
造奠立祠京師歲時致祭謚文貞贈太傅 戶部尚書兼
翰林學士倪元潞馮寶上虞人壬戌十九日寅時聞城破卽
整冠帶望闕四拜復南向拜辭老母不別妻孥旋易便服
至書齋呼酒奠所供奉闕聖前對酌三盞復出廳前正席
坐携袖中汗巾語家人曰吾分當如此意已矣母得救遂

舉手自縊卹典加贈一品以本官經筵講讀有年特恩與
祭六壇有司造奠立祠京師歲時致祭謚文正贈太保協
理京營戎政右侍郎王家彥遵莆田人壬戌守得勝門十
九日早賊入罵賊不屈賊段斬之城樓仍以火焚其屍以
死勤事加贈二品比侍郎贈尚書祭三壇造奠立祠京師
歲時致祭謚忠端贈太子少保都察院左都御史李邦華
懋吉水人甲辰十九日拜文丞相祠縊祠中祭俱昭倪元
璐例謚忠 贈太保副都御史施邦曜明餘姚人已未縊
死時有絕命詩祭葬祠謚忠介贈左都刑部侍郎孟兆祥

肖澤州人壬戌子章明宣癸未伯昭祥守正陽門賊至死

於門下子章明閭家死節祭奠立祠謚忠貞贈尚書子明
炤以死勤事例贈官祭一垓子牛奠附其父祠致祭謚節
愍毅贈河南道御史 左庶子諭德周鳳翔軫正陰人戊
辰聞煤山信北向拜自縊死有絕命詩云碧血九原依
聖主白頭二老空忠魂蓋具慶也哀哉魯氏 氏亦同縊
侍從官諱讀有年炤贈官品級祭奠外祭二壇子奠建祠
致祭謚文節贈禮部侍郎 左諭德中允劉理順湛杞縣
人甲戌狀元妻妾及四僕俱死 後賊兵近百人踵其門
曰劉老爺居鄉及善里人感沐其恩此宋正欲設衛以報
之何遽死也俱下馬羅拜痛哭而去六品無祭例念本官

全家死難最慘最烈以死勤事及啓沃功多軍旅身殲

特恩加祭一壇與奠建祠致祭謚文正贈正詹事 左諭

德中允馬世奇素無錫人辛未先令二妾朱氏李氏縊死

自向 勅書四拜復南面遙拜其母裂白自盡祭奠祠謚

文忠贈禮部右侍郎 簡討汪偉長休寧籍江寧人戊辰

十九日聞變與夫人取氏呼酒飲畢受就縊偉懸右夫人

懸左夫人曰雖顛沛不可失序乃解懸正左右而死祭一

垓奠建祠謚文烈贈少詹 大理寺卿凌義渠若烏程人

乙丑聞變盡焚生宇所著述服緋正笏望一門拜畢復南

甸拜父舉筆書四十餘字付家人歸上封公有畫忠卽所

以盡孝語寓中繩械先為家人箴匿乃取短綆命家人盡
之相視不忍客趙某知公志決為繫於憲撈奮身而絕有
賊黨踞其寓五日不殮傷哉祭奠祠謚忠請贈刑部尚書
太僕寺丞申佳胤素國永年人辛未自縊贈官祭一坛予半
奠建祠致祭謚節愍贈本寺少卿 太常寺少卿吏科都
給事中吳麟徵素海鹽人壬戌將掌垣時所叅駁事一
簡出授家人一言不及家事從容自縊贈官品給祭奠
外祭二坛全奠立祠致祭謚忠節贈兵部侍郎 戶科都
給事中吳甘來和新昌人戊辰寓與周巢斬連聞風慕義
沐浴衣冠北向拜縊奠祠祭謚忠節贈太常寺卿 河南

道御史芳州王章武進人戊辰十九日巡都城與賊遇
賊進問章降三問不應賊刀砍其膝章正坐罵不絕口遂
被害奠祠祭謚忠烈贈大理寺卿兵部尚書 四川道御
史陳良謨賓鄞縣人辛未死時作古風一首有盡忠盡孝
之語痛飲而絕妻時氏同死祭奠祠謚恭愍贈太僕寺少
卿 福建道御史陳純德淡零陵人庚辰北京巡按提督
學政被執不屈受刑死謚恭節贈太僕寺少卿 吏部負
外許直魯如皋人甲戌知煤山信歸慟欲絕呼僕授以家
報一函囑之速歸報封公首述忠孝之訓次及奠母教子
無他傍語旋更冠服北面拜 君南向拜父作詩六章書

畢命僕入內室取麻練令作縲僕手戰公斤之出遂自縊
一手持麻練尾一手止握神明如生遲二日羊李二友稱
貸以歛以死勤事例昭贈五品級祭一壇與半奠建祠謚
忠節贈太僕寺少卿 兵部郎中潛民成德旌懷秉籍霍
州人辛未煤山信至哭於茶庵歸自刎死祭奠祠謚忠毅
贈大理寺 兵部主事伯玉金鉉一留守前衛籍武進人
丁卯解元戊辰踰哭罵賊二日至晚衣冠北向拜投御河
死贈官品級祭一壇予半奠建祠謚忠節贈太僕寺少卿
已上文臣二十一負勲臣二負威臣一負慷慨捐軀或從
容就義此皆忠并日月氣壯山河謹遵從優議覆之 旨

祭奠祠謚逐一開明內建祠一項或京師總立一祠本籍
則自行建造今據所聞如撫臣朱之馮衛景瑗鎮臣周遇
吉布衣楊文瓊吳縣學生負許瓊併各死難勲臣等琅
大節與前諸臣比隆潔美絕無軒輊次茅奏 聞其金鉉
母章氏年近八十投井死應昭子贈官品級 誥贈仍建
坊旌表馬世奇妾朱氏李陳良謨妾時氏俱贈儒人亦建
坊旌表從茲國典聿充人心丕暢臣死事諸臣皆結草泉
臺戴 皇靈於無外矣 禮部侍郎管紹寧遵旨彙復事
奉聖旨這殉難殉節諸臣范景文等或閤門死難從容就
義從 先帝於崑湖流光輝於社稷良可嘉尚其應給祭

奠俱依擬謚法准用正擬工部於京城總建一壇賜名旌
忠其贈官廕子着吏部二部覆議具奏 又一本死不辱
國事劉熙祚罵賊殉義不愧風紀祭葬依擬與謚忠毅具
贈官廕子吏部議奏四忠共祠俱准行 四忠 王 章
謚忠烈武進人 劉熙祚謚忠毅武進馬世奇謚文忠無錫金
鉉謚忠節武進人前戶部郎中周之茂麻城人甲戌春間北
上侯補知府 命未下為賊虜去使跪不屈遭挺擊折臂
死以未補官故罕傳者乙酉三月與祭一壇減半造葬
工部主事王鍾彥華亭人丁卯十九日長班趨今朝見入
房自縊死賊棄屍海中把總陳秦階親見之松江府五學

諸生有死節公呈中書舍人宋天顯華亭人附監十九日
自盡弘光年三月賜祭一壇減半造葬在外文臣如宣府
巡撫贈右副都御史謚忠莊朱之馮大同巡撫贈兵部尚
書謚忠毅衛景瑗陝西巡撫馮師孔山西巡撫蔡懋德俱
死於賊武臣提督三關總兵周遇吉與賊戰於寧武關先
勝後敗被報不屈屠之鎮守宣府搃兵朱三樂賊至揚言
降者不殺百姓請救一城性命朱不可巡城指紅夷大砲
曰汝等若能放一砲我即死甘心衆不應朱不得已自起
燃火兵自後擊之朱憤甚奪卒乃自刎是皆死于王事
者 戶部郎中徐有聲復問太醫籍金坛人庚辰特用罵賊

支解徇義最烈 司禮監王之後從死煤山或云從死者
王之心而之倭與德化俱自書更詳

工科抄叅工部表忠故事猶存疏

工科抄叅工部一本表忠之故事猶存奉 聖旨祠宇應
葺應創俱於明修造弘光正月十二日本科叅看得表忠
旌忠一祠既奉旨一葺一創則兩案位置俱宜蚤定矣然
以昔之靖難與今之北都較抑何一同即一異也夫 忠
廟固與 張后同焚而 先皇亦與先后俱經國君死社
稷間先後無媿若云少康出亡猶莫須有也而獨是昔死
接義踵今此從逆駢肩所異者此為爾昔人、謂壬午諸

臣推折太過故此後罕以節間至甲申之變而其言大異
安可使寥々星晨復歎遺珠乎豈非後死青哉除范文貞
公等三十餘人姓字昭揭已經贈諡外所事惜此則孟忠
貞公兆祥與其子節愍公章明之合則死義也父為忠臣
子為孝子已班、可考婦夫同死節義成雙指閭、靡稽
惜哉或曰孟貞公繼配為夫人何氏節愍公繼配為孺人
王氏俱各列齒錄夫何疑然闡節無䟽旌別亦無 旨則
始懸焉寧缺而補無補入而復刪以待考也然則節愍公
何為乎附祀日做靖難顏考節公例以喬梓分席也然則
生負許琰與布衣湯瓊昌為守正祀日做靖難龔安節公

與諸貞義公例一以金川門守卒隱義一以戍卒死為冠
愧心也若衛忠毅公等初謂宜始禮部議建祠於御然以
靖難之濟蹇若彼北都之寂寥若斯則與其外也無寧入
之者何也靖難之巡撫黃公清已先列附祀矣例也非創
也雖然內臣王承恩之正祀獨非創乎 先皇賓天即自
經於側問 惠廟時有是否事創祀亦創矣抄出正之

應立祀文臣二十四人紀

東閣太學士工部尚書贈太傅范文貞公景文 戶部尚
書兼學士贈太保倪文正公元璐 右都御史贈太保吏
部尚書李文忠公邦華兵部戎政侍郎贈太子少保王忠

端公家彥 刑部侍郎贈尚書孟忠貞公兆祥 左副都

御史贈左都施忠介公邦曜 大理卿贈刑部侍郎凌惠

清公義渠 太常寺少卿贈兵部侍郎吳忠節公麟徵

左庶子贈禮部左侍郎周文節公鳳翔 左諭德贈禮部

右侍郎馬文忠公世奇 左中允贈正詹事劉文正公理

慎 簡討贈少詹汪文烈公偉 太僕寺丞贈本寺少卿

申節愍公佳胤 戶科都給事中贈太常寺卿吳忠節公

甘來河南道御史贈大理寺卿王忠烈公章 四川道御

史贈太僕寺少卿陳恭愍公良謨福建道御史北畿學政

贈太僕寺少卿陳恭節公純德 吏部員外贈太僕少卿

許忠節公直 兵部郎中贈大理寺卿成忠毅公德 兵部主事贈太僕寺少卿金忠節公鎬 大同巡撫贈兵部尚書衛忠毅公景瑗 宣府巡撫贈右都御史朱忠莊公之馮 吳縣學生員贈翰林院五經博士許公琰

應正祀女人九人紀

成公德母張氏贈淑人 汪公偉妻耿氏贈恭人 馬公世奇妻李氏贈孺人 吳公襄妻祖氏贈二品夫人 金公鎬母章氏贈恭人 劉公理順妻萬氏贈併妾李氏贈淑人 陳公良謨妾時氏贈孺人

應附祀文臣七人紀

新進士贈河南道御史孟節愍公章明 戶部郎中贈太僕寺少卿徐公有聲 兵科給事中贈太僕寺少卿顧公鉉 工部給事中贈太僕寺少卿彭公瑄 貴州道御史贈太僕寺少卿俞公志虞 保定巡撫兵部右侍郎贈尚書徐公標 大名副使贈右副都御史朱公廷燠

雍正祀武臣七人紀

新樂侯贈太師恒國公劉忠壯公文炳 總兵封遼國公吳忠壯公襄惠安伯贈太師進侯爵張忠武公慶臻 襄城伯封太子太師進侯爵李貞武公國禎 左都督贈太保劉忠卓公文耀 駙馬都督贈少師鞏貞愍公永固

總兵封太保周忠武公遇吉

應正內臣一人附後

總督京營內臣王忠愍公承恩

應附祀內臣六人附後

李鳳翔 王之心 高時明 褚憲章 方正化 張國

元

應附祀武臣十五人紀

太傅鎮遠侯顧公肇迹 太保陽武侯薛公濂 太子太

師武定侯郭公培氏 太子太傅定遠侯鄧公文明 太

子太保永康侯孫公維藩 太子太保西寧侯宋公裕德

太子太保懷遠侯徐公錫登 左國柱太傅成國公朱公

純臣 太子太師彰武伯揚公崇猷 太子太師清平伯

吳公遵周 少傅宣城伯衛公時春 新建伯王公先通

安鄉伯張光燦 左都督方公履春 錦衣衛正千戶李

公國祿 弘光元年欽定爰書

明季實錄卷之二



國家圖書館, NATIONAL CENTRAL LIBRARY, TAIWAN, R.O.C.

明季實錄
坤

THE NATIONAL CENTRAL LIBRARY, TAIWAN, R.O.C.

廿二

明季實錄卷之三

古吳顧炎武寧人氏 輯

從逆諸臣攷

偽禮政府右侍郎楊觀光用賓招遠人戊辰官石廡子 偽

太常寺丞項煜冰吳縣人乙丑少詹事賊攷逆首名授文弘

館學士教習廡吉士何瑞屏荆信陽人戊辰少詹 偽編修陳名

夏百漂陽人癸未會元探花編修兼戶 偽弘文院修撰

韓四維城昌平籍高縣人辛未諭德 偽戶政府少堂楊

士聰苗濟寧人辛未諭德 偽弘文館修撰高爾儼靜

海人庚辰榜眼編修 偽修撰楊廷鑑冰武進人癸未壯



NATIONAL CENTRAL LIBRARY, TAIWAN, R.O.C.

元修撰 簡討傅鼎鈺 臨川人 庚辰 少詹兼侍讀方

拱 軋坦桐城人 戊辰 簡討方以智 漫桐城人 庚辰 偽

編修張之奇 拜新城人 庚辰 簡討 偽編修劉世芳蘭膚

施人 庚辰 簡討 偽兵政府侍郎梁兆陽階 番禺人 戊辰

簡討首倡助 簡討趙王森 潮無錫人 庚辰 授四川內江

縣令 偽簡討周鍾 柳金壇人 癸未 庚吉子乙酉四月初六日典刊

授原官魯粵常山陰人 癸未 偽簡討朱積古華亭人

癸未 授原官李化麟 潞韓城人 癸未 授原官吏可程

適祥符人 癸未 防禦使張元琳西晉江人 癸未 授原

官梁清標立錦衣籍 真定人 癸未 授原官李長祥硯連

州人 癸未 授原官咸克鞏清大名 癸未 直指使楊

棲 鄂木西鄉人 癸未 改順天教授 劉餘謨帶懷寧人 癸

未以願不當意故 偽直指使趙頰公項城人 癸未以牛

鄉同年故多所薦引 偽戶政司務魏學瀛密嘉善人 癸未 蒼溪

縣 偽令吳爾璉 玠崇德人 癸未 劉肇國阮安福人 癸未

王自超茂會稽人 癸未以年少不更事不用密雲縣

偽令姚文然 嵒桐城人 癸未以說不揚故授 何胤光次

杞縣人 癸未 何胤謙若陽城人 癸未 傅學尚榆麻城

人 癸未 張玄錫冲清苑人 癸未 何九雲培晉江人 癸

未 以年老不用 劉廷琮驛番禺人 癸未 高衍稔 蒙陰

人癸未 黃燦區夷陵人癸未 呂崇烈齋安邑人癸未

萬發祥門瑞新喻人癸未以塗粧聲夾一夾 張端柱掖

縣人癸未張大司冠魏天賞菴遂平人癸未 史垂譽門

豐城人癸未 龔鼎磁永昌籍保山人癸未 李呈祥門

露化人癸未 羅憲政菴南昌人癸未 楊明琅賢晉江

人癸未 胡統虞菴嘗德籍武陵人癸未 張家玉世東

荒人癸未賊初降之罵不絕口網縛偽祭酒薛所蘊行

孟縣人戊辰司業 偽吏政府考功郎郭萬象章高陵人

甲戌文選郎中 改偽府尹劉廷諫良通州籍寧海人已

未考功郎中 偽稽勳郎侯佐傑鮮州人甲戌驗封負外

偽驗封郎熊文舉堂新建人辛未稽勳郎 吏部主事

王顯繼曲周人丁丑 吏部司務孫節站楚雄籍武進人

丙子 党崇雅軒寶雞人乙丑戶部右侍郎 偽戶政府

屬孫襄五宣城人甲戌郎中 偽政府屬陳宸誦誠濟寧

人丁丑郎中 偽戶政府屬李申微南和人甲子負外

偽戶政府屬姬琨礪華州人官負外 偽戶政府從事賀

久部菴湘鄉人戊午主事 偽戶政府從事陳聯璧浮光

化人館主事 偽授原官介松年仙鮮州人辛未主事

別單開有吳荒神蒲田人庚辰特用郎中 郎中傅騫祥

汝陽人館郎中南廷鑄器渭南人館郎中鄭甬圻起

安肅人館 負外王鳳林 岷州人館 郎中李鍾秀 元淑

蒲州人丁卯 負外王高才 無三原人甲子 主事胡之

彬 菴光州人甲戌 偽戶政府屬涂原 蘭梁山人辛未郎

中 偽禮政府吳恭來 履新昌人辛未負外 甘來 負外

余忠宸 誅都昌人丁丑負外 授安縣令湯有慶 精長洲

人丁丑負外 梓潼縣令張琦 無錫人甲戌主事 主

事高去奢 涇寧晉人丁丑 偽史政府司務葉澍 涇州

籍豐城人丁卯司務 別單開黃熙胤 庭晉江人辛未郎

中 主事吳之琦 晉江人丁丑 偽兵政府屬耿章光

祖館陶人丁丑負外 偽兵政府屬朱國壽 宛平籍丹

陽人辛未負外 偽兵政府負外方允昌 諸暨人甲戌

主事督漕江南乘官船至宿遷 別單有授淮南同知鄧

魁明 建昌人丁卯負外 負外趙問心 洞門長沙人甲戌

主事黃紀 以瀘州人甲子 主事修廷猷 我濟寧人丁

丑 主事張慎學 夏縣人丁丑 主事劉養貞 念大邑

人辛未罵大堂官賊怒而宥之 主事黃昌胤 秦沅江人

丁丑 主事劉慶蕃 借滄州人戊辰 主事吳文熾 樹錢

塘籍休寧人庚辰特用別單有 主事歸起先 律常熟人

癸未 主事李登雲 仙梯晉江人丁丑 吳剛思癸未 主

事繆沅齋 丁丑改助教 別單有開主事何復 視平度人

甲戌主事趙之重隴樂平人甲子工科給事中金汝

礪沁仁和人甲戌陝西道御史張懋爵贈汾陽人辛未

偽府尹黃國琦湖五新昌人丁丑滋陽知縣行取侯選

授偽縣令胡顯梅師并斫人癸未侯選授程玉成江津人

癸未侯選偽戶政府從事王甬祿清澗人癸未侯選

揚州府尹楊燾大興人癸未侯選兵政府從事吳剛思

武進人癸未偽直指使尚有張鳴駿贛龍溪人庚辰江

西道偽授原官賀王盛無母陽人戊辰太僕寺丞偽

鳳陽府尹王子曜拍華陰人癸未行人偽山東防禦使

徐家麟鄆縣人癸未偽四川縣令王舉映山西保德人

選貢晉州知州偽長蘆運使王孫蕙譜無錫人甲戌行

取濬縣知縣偽太常寺正卿劉昌洲祥符人乙丑戶科

左給事中昌典偽牛相同鄉最用偽諫議申莛芳如嘉

定人辛未禮科給事中偽諫議戴明說滄洲人甲戌

禮科左給事中偽宜賓縣令時敏乘遵化籍常熟人丁

丑兵科給事偽授直指使龔昂麓合肥籍臨川人甲

戌兵科給事偽縣令傅振鐸岷金谿人丁丑兵科給事

偽防禦使孫承澤北順天籍益都人辛未刑科給事中

偽諫議光時亨合桐城籍祁門人甲戌刑科給事賊

嫌顏醜改四川縣翁元益緣上海人甲戌刑科給事偽

政府屬郭克元隴西人丁丑刑科給事 偽都直指高翔

漢雲寶雞人甲子工科右給事 從天津入賀柳寅東颯

四川梓潼籍陝西徽州人辛未應天 偽諫議韓文銓水

成寧人甲戌河南道 偽虜州府尹熊世懿麻城人辛

未河南道 偽防禦使蘇京臨安東人丁丑江西道 偽

直指使陳羽白文南靖人甲戌廣東道 候缺未補蔡鵬

霄培晉江人戊辰四川道 改庶吉士裴希慶曲陽籍導

化人甲戌陝西道 改庶吉士衛貞固紫乾城人甲戌雲

南道 直指使涂必泓海南昌人辛未掌河南道印 徐

一掄英上虞人甲子山東道 授原職趙京仕城固人壬

戌通政司左叅議 驗馬寺卿宋學顯中長洲人戊辰通

政司右叅議 授大理寺卿吳履中山金壇人乙丑戶部

侍郎 偽助教錢位坤大長洲人辛未大理寺正 偽政

府屬周蘭雲羅山人庚辰評事 偽大理卿吳家固梅和

州籍歙縣人乙丑尚寶卿 偽防禦使林銘珣紫漳浦人

壬戌光祿監事 偽成都府同知呂兆龍靜金壇人癸未

中書舍人 偽府尹姜全瀧雲振縣人癸未中書舍人

偽祠祭司從事李森光枝振縣籍平度人庚辰博士 偽

政府屬吳道新桐城人助教 偽政府屬許作梅岩新鄉

人庚辰行人 偽太常寺正卿李元鼎梅吉水人壬戌太

僕奇丞 偽戶部員張元輔相孝義人丁丑行人 偽授

原官李丕著 馮曲沃人丁丑行人 吳達航無錫人庚午

邯鄲知縣 阜城縣知縣黃繼祖吳無錫人廩荐 喻上

馮濟石首籍豐城人辛未浙江道御史以匿喪被參叩闕

投賊 降虜方大猷 鷓鴣程籍德清人丁丑河南僉事

張鳴駿 廣龍溪人庚辰戶部郎中 原任江西道御史 劉

漢儒 琴大興縣人壬戌壬申四川巡撫甲戌革職 衛周

祚文曲沃人丁丑戶部郎中 王承曾卷夏邑人甲戌襄

陽知府天城 原毓宗礪蒲城人戊辰山東僉事 溥昂

銓 隸臨川人庚辰簡討 張若棋 碣州人辛未兵部郎

中監軍督戰失機下獄降賊督兵守關 葉初春巨湖口

人戊辰太僕寺正卿 鞏煊我陝西真寧人辛未河南提

學叅政 楊起枝扶金山衛人甲戌戶科給事中 廖國

邁符長沙縣人丁丑原任戶科給事中癸未革職

幸免諸臣攷

國史嘉定伯周全鑑大興籍長洲人都城破賊將張姓者

至踞其室全夫人卜氏姑媳皆自縊卜氏即先后所自出

也諸子皆束縛以去兵士辱全特甚後有叔將軍李全見

全讓之極頰憐之乃以耳房數間撥與幸免于刑死子鉉

夾未死幼子鏐鐘孫澄清澤俱存外傳全獻太子以肅免

寔無此事大都以以鄙吝招謗耳 浙江巡撫董象恒華
亭人已未在獄中擬充餉贖罪釋出適 行取御史周亮
工亮祥符籍金谿人庚辰命已下見勢迫不任而遁 安
序巡撫鄭二陽潛鄆陵人已未從獄申釋道 登萊巡撫
曾櫻雲峽江人丙辰從獄申釋道 副使施元微曠無錫人
已未 兵部左侍郎張伯鯨縵泰州人丙辰逃最早 太
常少卿王都漸崇德人乙丑 廣東道御史楊甬銘嶧四
川籍連人甲戌

誅戮諸臣攷

成國公朱純臣冀懷遠人獻門勸進世臣中最逆者吳鎮

兵臨賊欲迎敵恐其有變誅之 定國公徐允禎中鳳陽
人與成國同誅昔建文之難其祖先增壽以獻門獲爵今
始食其報云他元勳戚畹罕有全者不能盡錄 次輔陳
演贊井研人壬戌賊聞其富遂加毒刑所吐金銀甚多珠
亦盈斗先是演責治一僕二恨之遂出首于賊主家甚富
即如某處有銀四萬八千兩賊兵如言往掘果如是因是
垂涎不已受刑最慘竟誅死 東閣大學士魏藻德令通
州籍上元人庚辰壯元夾二夾走出銀一萬七千兩其妻
抄二次子亦二夾德飲水一盃死 東閣印瑜鞠宜城人乙
丑或云夾死或云自盡又云與演等同日被害

刑辱諸臣攷

太康伯張國紀韞祥符人父子俱夾打籍沒 周鑑潮大
 興籍長洲人左都督國文嘉定伯之長子素有弱疾以夾
 死第鉉一夾僅存奎姪銘削髮遁被獲亦受夾奎甥嗣于
 奎名鐸一夾獻銀六百兩俱不死勲戚中受刑辱者甚衆
 不能祥知特志周氏一門以列其餘 東閣方岳貢惟高毅
 城人壬戌夾二夾完贖三千兩後自引決 吏部尚書李
 遇知谷篔洋縣籍崇昌人庚戌 吏部侍郎雷躍龍夢新興
 籍上元人已未夾二夾 吏部左侍郎沈惟炳炎州孝感人
 丙戌夾二夾 吏部侍郎張惟機晦晉江人乙丑夾二夾

一頭箍又夾其僕二夾奪賊刀自刎死 兵部添設石
 郎撫昌密古副都金之俊宜嘉興人己未獲夾二夾不
 死今聞為虜中大司馬工部尚書陳必謙益常熟人
 夾二夾傷歸復遇土賊傷其掌指良貝而免歸數日病死
 戶部右侍郎王正志澧靜海人戊辰夾二夾其子一
 夾一孩 刑部尚書張忻北掖縣人乙丑子張端柱天癸未
 庶吉士 少詹兼侍讀方拱乾坦桐城人戊辰為賊所執
 以美婢四人賂賊將羅姓者得免夾青衣小 額貼黃紙
 順字求荐于何瑞徵楊廷鑑徵乃其同年鑑其門生也
 少詹兼侍讀胡世安蕪井研人戊辰夾二夾 諭德衛胤

文菴韓城人辛未以削髮被獲夾二夾 左中允楊昌祚

昭宣城人甲戌以剪髮夾二夾 編修林增志先瑞安人

戊辰以削髮夾四夾甚慘 編修宋之繩其漂陽人癸未

榜眼前髮被獲以周楊二人力荐于王旂免夾囚之

編修李士淳河二程鄉人戊辰夾四夾甚慘 簡討方以智

漫桐城人庚辰充定王講官賊兵挾往見偽刑官逼認獻

銀若干後乘間逃歸 庶吉士萬發祥新喻人癸未以塗

面糝聾夾 刑科給事中朱徽初進賢人辛未 工科給

事中彭暄好四川永州人甲戌 浙江道御史馮垣登心中

新昌人庚辰 山西道御史吳邦臣懷山陰人庚辰 雲

南道御史鄭楚勳初莆田人甲子舉人 考選御史曹溶

秋嘉興人丁丑 吏部主事吳孳昌懷固始籍南昌人庚

辰以削髮夾二夾 吏部主事楊 錫懷晉江人甲戌十

三登科十四登甲榮 天部人共羨以為仙佛再世乃亦

包羞忍辱至此惜哉 戶部郎中張鳴駿廣龍溪人庚辰

戶部郎中陸高恩會漂陽人庚辰特用 戶部主事彭

敦曆澣丹陽人庚辰特用 戶部郎中朱希煌玉無為籍

五閩人甲戌 兵部主事劉若宜奉懷寧人丁丑 刑部

員外郎陳鵬舉麻城人丁卯不投揭被執見偽刑官叱使

跪不屈推擊亂下幾斃家人願以身代元賊義而釋之

工部郎中李逢甲文延青浦人己未夾二次工部郎中聶
一心藏富順人庚午工部員外潘同春蜡餘姚人丁丑

工部主事趙士錦前常熟人丁丑工部主事鄧逢吉
雙湖口人丁丑夾死工部主事申濟芳寧維長洲人官生

夾損一足死而復活太僕正卿北祭酒孫從度器清苑
人戊辰夾四夾退銀四百兩死于家中書劉明侯恩

縣人丁丑以削髮夾二夾中書陳翔北懷閩縣人癸未以
削髮夾二夾行人郝傑清核霸州籍綏德人丁丑以削髮

被夾行人謝于宣鄆縣人癸未以削髮觸怒夾三夾幾
死行人劉中藻山洞福安人庚辰以抗言願歸籍觸怒賊

被夾太常寺博士龔懋熙江四川江津人庚辰武學

教授沈澆先崑山人丁卯夾損一足退銀五百兩國變錄

逢蘭范方俱注夾一日夜死蔡國光曹惟才俱注夾一夾何
肇元注夾一夾逃復被執李起龍注削髮夾他單所無又
有楊若喬注光緒順天府推官劉有瀾名南官人庚辰不

堪夾打以銀簪削喉而死國變錄用死節禮部侍郎兼
侍讀楊汝成勳華亭人乙丑夾一夾以古玉杯金盞等物

送王旗鼓仍授職太常少卿掌文選郎中事沈自彰順
天籍上元人辛丑夾二夾留用戶部左侍郎王鰲永湖

淄川人乙丑夾二夾留用戶部寺丞吳履中安金壇人
乙丑夾一夾仍授大理卿順天府尹郝晉崑棲霞人戊

辰夾二夾留用 中書舍人吳兆龍鑄金坛人癸未 戶

部主事蕭時豐現大興人丁丑夾四夾 禮部主事張正

聲中惠安人甲戌夾二夾 吳伯宗夾一日夜死

削髮受刑諸臣攷

衛胤文二夾留用 楊昌祚剪髮二夾 林增志四夾不

死受刑最慘 中書判明僕作恩縣人丁丑二夾 吳慈

昌二夾 萬發祥一夾庶常概用無受夾者以塗面搯鬚

觸牛賊之怒 行人李起龍景南宮人丁丑二夾 行人

郝傑出重行人謝子宣出重 劉中藻三夾 陳翔方拱乾

出重林蘭友二夾 方岳貢二夾完贖三千兩不死留

用 張維機二夾一腦樞又夾其僕二夾奪刀自刎 邱

瑜二夾完贖五千兩不死留用 楊汝成一夾以古玉杯

金臺等物托周鐘送王旗鼓仍授職 吳履中王正忠陳

必謙現 李明睿二夾 金之俊二夾 沈惟炳二夾

王鰲永郝晉胡世平現 李自淳四夾 沈自彰張忻現

陳純德二夾留用 方以智二夾 王都二夾留用

鄭楚勳二夾 吳邦臣黃熙胤并二 趙士錦一夾 陸

禹思二夾 呂兆龍佯授御河為賊所獲一夾授成都府

同 兵科給事顧鑑城成都人丁丑二夾留用 戶部主

事蕭時豐現 禮部主事張正聲中惠安人甲戌二夾

蔡國光二夾 臨淄知縣鄒逢吉 礮湖口人 見劉口中藻

現 保正知縣欽取何肇元 羅武進人 舉人一夾 逃去又

被獲 吏部司務鄭逢蘭 澤侯官人 甲子夾 一日夜死 曹

惟才二夾 戶部主事范方 同安人 卒自夾 一日夜

死 吳宗伯夾 一日夜死 浙江御史馮坦 登茂辰夾 一

日夜死 孫從度四夾 逃報四萬完 訖死 李逢甲一夾

宋之繩削髮 因楊周二 人荐于王 旗鼓免夾 周亮工

逃 楊若喬 衡北通州人 丁丑逃 戶部主事汪光緒 虧

通州籍 武進人 癸酉逃 五邱知縣 欽取劉令尹 籽大同

籍 滄洲人 庚辰 俱未夾 逃 雷若龍二夾 張鳳翔二夾

潛身諸臣攷

蔣德璟 十三日 辭朝出 崇文門外 住 鄭二陽 見 曾櫻

施元曾 張伯鯨 逃 汪惟效 工部主事 翁希禹 警 侯官

人 官生 程兆科 隸上饒 籍永豐人 逃 新進士官 律鏐

泰州人 程子奇 彭遇凱 逃 施元 蔣臣 削髮 癸未

傳臚 譚貞良 嘉興人 潛匿於 乞丐 逃 新進士 史夏 隆宜

興人 扮乞丐 逃 新進士 蔡通 福州府人 逃 新進士 林

飭福清人 逃 王崇簡 禮部郎中 周仲健 長興人 甲

戌 削髮 扮僧人 逃

叛逆奸臣及賊授偽官攷

嘉定伯周奎大興籍長洲人獻太子 張縉癸十九日辰
時同太監杜袂亨開齊化東偏二門獻城後仍被夾殺死
宋企郊從逆之首應魚鱗剛 杜勳十九日即授偽官
職 光時亨授兵科給事 方九昌授兵科員外坐官舡
二隻在宿遷縣催漕糧 楊起枝授文選司掌選 禮部
郎中劉大華賜廣昌人甲戌授禮部員外○二十日諸人
倡為助餉之說各寫五千金托宋企郊先投手卒即召見
梁兆陽授兵政府侍郎 楊觀光授禮政部侍郎 周
鐘授簡討檄勸進表登極詔并獻下江南策逢人便說牛
老師極為嘆賞 項燾授太常寺丞時京師言渠門生黎

志陞為賊心腹欲大拜之郎昌言于衆曰大丈夫名節既
不全當立蓋世功名如管仲魏徵可也後授職不補始逃
歸 薛岳蘊授祭酒 何瑞徵授弘文院教習庶吉士
葉初春授大理寺丞 錢位坤授國子監丞初牛賊不収
托周鍾寅緣偽文選司顧楊赴部時對人曰我明日此時
便非凡人了京師有不凡人傳 趙京仕左通政 宋學
顯授驗馬寺 賀王盛授太僕丞 吳家周授尚寶郎
董象恒留用未授職 楊廷鑑授修撰 韓四維修撰
高爾巽編修 陳名夏懸標為家人所救授編修 張之
奇順慶府尹 趙玉森調別衙門用為避四川缺未補

傅鼎鈐授原職 楊明琅防禦使 魏學濂戶部司務其
 僕以學濂墮壞家門忠孝對家主自刎死 庶吉士張元
 琳塘晉江人防禦使 吳爾璵四川蓬溪人 魏天寶西
 淮運使馳駟出 劉廷琮釋從化籍四番畧人四川知縣
 張高錫授知縣 高衡授知縣 胡統虞授知縣 傅
 學禹授知縣 羅憲文授知縣 白胤謙授知縣 李化
 麟授原職 李呈祥 龔鼎授原職 趙頴知縣 楊棲
 鶚 黃燦 成克鞏原職 張端授知縣 呂崇烈防禦
 使庶常中之詩、者 劉餘謨授原職 朱積原職 史
 可程授原職廿四日特召見挾令作家書到南京 張家

玉罵賊相三晝夜不死仍授原職以上俱翰林 吏部員外左
 懋恭明且萊陽人甲戌吏政府從事侯 佐吏政府從事
 熊文舉從事 劉廷諫四川同知以上俱吏部 孫承澤四川
 防禦使 戴明說山東防禦使 傅振鐸四川同知 時
 明四川知縣赴選時適吏部門閉叩門大呼曰我兵科時
 明也 甲芝芳禮科給事 龔鼎孳防禦使 高翔漢授
 左都 翁元益夜為賊捉打面腫 宋企郊嫌其負不揚
 授四川知縣 郭充刑科給事 金汝礪四川知縣 朱
 徽四川知縣 彭瑄山西知縣以上俱給事中 林銘球濠漳浦
 人戊辰四川知縣 柳寅東原職 陳羽白原職 張鳴

駿俱授直指使 蔡鵬霄侯京堂補缺 改授庶吉士衛

頑固四川府尹 貴州道涂必泓湖南南昌人 辛未四川府

尹御史上俱行人王于曜弼華陰人癸未庚辰鳳陽府尹

許作梅禮部員外 兵部主事鄧魁明建昌人丁卯

淮安府同知 新進士吳剛思武進人 兵政部從事 新

進士徐家獍鄆縣人山東防禦使 行人吳允謙濬內江

人丁丑山西知縣 終沅國子監學正 行人李之奇封

山西交城人丁丑防禦使 胡顯 行人李丕著愚曲沃

人丁丑 現任兵部主事龔彛和永昌籍順寧人 戊辰俱

行人張元補相山西孝義人丁丑戶部員外 呂滋

陽行取知縣 黃國琦湖南新昌人丁丑 中書呂兆龍靜

金炫人庚辰 吏部員外王顯純伯曲周人丁丑 駐劄居

庸保定推官董復天武進人癸未副榜 刑部主事黃昌

胤籛沅江人丁丑 戶州府尹河南道熊世懿隰麻城人

辛未 順天推官劉有瀾湖南官人庚辰 偽縣令兵科

給事傅振聲峻金谿人丁丑 行人胡顯師四川石研人

癸未 兵部主事茶汧吉無錫人癸未 阜城知縣黃繼

祖愚無錫人廩荐 邯鄲知縣吳達航無錫人庚午 偽

梓種縣令禮部主事張琦餘無錫人甲戌以上俱選縣其

知何衙門 戶工二部右侍郎王鰲永愚涸川人乙丑夫

者則有 明季實錄 卷三 十六

明季實錄 卷三 十六

二夾留用 總督糧餉侍郎王正志 滄靜海人 戊辰 順

天府尹郝晉 隄山東棲霞人 戊辰 左叅議左通政趙京

仕開陝西城固人 壬戌 總督糧餉右侍郎党崇雅 姜寶

雞人 乙丑 原任兵部左侍郎侯甸 商邱人 丙辰 兵

部郎中張若麟 石膠州人 辛未 授偽命督兵守關 太僕

寺丞李元鼎 梅古水人 壬戌 太僕寺丞賀王盛 黨丹陽

人 戊辰 其官之大小不同而總之皆事偽朝為偽官察得

功臣家為奴田產屋宅皆沒入官立 振輒網大加天討是在新天子矣

大學士請申大逆上諭

大學士馬士英請申大逆事奉 聖旨北京陷後凡稽首

逆賊身污偽命的逆惡滔天神人共殛據奏光時亨龔鼎

學周鍾與陳名夏項煜等並其餘從逆苟免諸臣先看科

道官逃名爰覈公同具奏來者以憑法司定罪行

諸臣題奏殉難死節事上諭

七月初七日署吏部尚書顧錫疇殉難死節事奉 聖旨

仗節死義范景文等十人應得謚廕祠卹着禮部從優議

覆有遺漏的察寔補叙其反君事仇諸人先看吏部併科

道官確核除名法司即行分別定罪俱限十日內次第具

奏 戶科給事中熊汝霖謹題為城激死難事奉 聖旨

楊文瓊布衣死難衣帶中二語烈之可傳着核寔旌表

禮部主事王曰俞直陳就義事奉 聖旨許琰以諸生憤死足愧逃降諸臣禮部覆奏 戶部給事中陸即題為部臣殉難事奉 聖旨徐有聲罵賊支解殉難最烈該部從優旌卹 禮部侍郎管紹寧題為死不辱國事奉 聖旨劉熙祚罵賊殉義不愧風紀祭葬依擬與謚忠毅贈廕一子入監讀書四忠共祠俱準行 四忠劉熙祚 王章 馬世奇 金鉉 管紹寧恭報吳鎮事奉 聖旨吳襄閭門殉難忠烈可嘉着贈遼國公夫人 氏加祭二壇併與祭葬二子同時死節應贈卹職銜着兵部議覆

陝西監軍御史題奏諸臣殉難請旌表疏

陝西監軍御史霍達題為確報延鎮殉難各官併各鎮死難鄉紳懇乞 聖慈卹卹以培忠義事臣據榆林死難遊擊陳二典家人來投總督單開城內戰死者原任總兵尤世威侯世祿侯拱極王學書王世欽王世國李昌齡原任副將尤瞿文常懷德等原任游擊孫貴等原任守備白慎衡等見任游擊傅德等見任守備陳二典尤勉等掌印指揮李文焜等以上各官皆誓死守城臨難不屈表 大節真可炳曜千秋垂光青史而一時同難指揮千百戶各官死者過千人矣則又一時之奇千古之特操焉至如道臣都任知力不支合門死難而尤世威以身任提調守城之責

見城已陷舉家百口付之烈焰而身冲鋒刃戰死街心則
又雄武忠烈之至苦者也至慶陽府城內官弁紳衿同心
死守賊狠攻四日城陷屠戮一空而道臣段復興知府董
浣鄉紳原任太常少卿麻禧等皆以身殉難忠節表著所
當一併議卹者也賊初八日入關時攻陷商州道臣王世
清不屈慘死已經奏報外城內鄉紳士民慘遭屠戮惜無
主名不敢請卹至如鄉紳原任冢宰南企仲老臣倔強辱
死道傍禮部主事南居業被執不屈罵賊而死宣府巡撫
焦源清不授偽職凌辱至死大同巡撫焦源溥被執罵賊
斷其舌山西叅政田時震誥封副都御史朱常德俱因不

授偽官自盡山東巡按王道純奉其親于蒲城之北殷村
堡賊掣到省大罵不屈而死咸寧縣舉人朱誼泉係宜川
王奉國中尉賊欲加以偽官投井自盡凡此皆聞見極確
極真所謂忠貞不二視死如歸寔足以風勵臣節扶植綱
常所當從優賜卹以慰忠魂以示風勵者也 甲申二月

廿七日吏部確報延鎮殉難事奉 聖旨南企仲贈太子
少傅王道純贈太僕少卿南居業贈光祿少卿各廕一子
朱誼贈順天府宛平知縣韓上言宋世遠贈茶寮司僉事
各廕一子焦源清焦源溥田時震俱準復原官贈右僉都
御史朱家任贈右付都御史 南企仲 陝西渭南人庚

辰太僕寺正卿 王道純 南居紫洲家嶺渭南人甲辰
禮部主事 焦源清一湛三原人丁未宣府巡撫 焦源溥
一三原人癸丑大同巡撫 田時震宿富平人壬戌山西
參政 韓上言 宋世遠 朱誼 朱家任海臨洮府河
州人戊辰冀北道右叅議 河南道段復興嶽山東陽穀
人甲戌 慶陽府知府董琬珉北直開州人官生 鄉紳
原任太常少卿麻禧齋陝西慶陽人丁丑

明季實錄卷之三



明季實錄卷之四

古吳顧炎武寧人氏 輯

鹿城募建報國道場延存忠魂水陸大會疏通者滿
池竊發 寢廟震驚我 大行皇帝血詔臣民烈殉社稷
爰及 聖后同時上賓地坼天崩寔終古未有之變成仁
取義激溥天不共之仇逆惟 御極之初以迄 升遐之
日凶危洊至艱大獨膺十七年不釋外虜內寇之憂千萬
世共切有君無臣之痛苞苴塞路朋黨盈廷無事則載寶
而朝有急則奉身而退 君父孤危而莫問百姓愁歎而
罔聞致使神州陸沉中原鼎沸舉目有山河之異臨風動

未審之悲言念屬階真堪痛哭賴遺烈之震動感忠憤之
勃興一時在廷頻多取義誓心一鉤無污較尉之鬚握節
九原欲濺侍郎之血至有父子偕死夫婦同歸勵忠孝一
家之風顯節義双成之句因不身騎箕尾氣作山河義焰
汗青烈垂竹帛嗚呼燐流碧草陳些招正則之精魂白虹
貫日噬指吊真源之厲鬼懷古如此撫今可知吾等痛哭
時艱媿顏平原之殺賊躊躇夜半慚祖刺史之聞雞徒愛
主恩因申 國郵聞知隣邑失以佛事而效涓埃敢告是
邦心籍善緣以輸忠愛期始仲秋之朔泊乎月望之辰願
仗懺摩少抒哀痛寔此枕戈待朝之日亦見同袍偕作之

懷 龍馭供臨天威在陞旁列忠魂之姓氏普及死事之
臣民清梵所流羣品咸受嗚呼 君恩猶父况值 天王
之聖朝率土皆臣豈應吾邑而獨後屆期襄事諒有同心
敬申左袒之盟遙致北闕之拜毋任激切哀痛之至

虎口餘生記

余自壬午春伐賊墓米人湧之謂必招禍不測余諭諸曰
如賊果脩怨余一人當之定不爾累眾疑信不一而父朝
棟高映元馮起龍等寔為賊之姻黨聞賊行牌至而安
有四月十九日起馬入秦之語遂羣謀俟賊到時執余暨
父詔黑光正等獻賊逆謀歟之有據余欲申聞撫臺而其

巡捕常昌運與高映元內親恐其撓撓中阻遂密稟張撫
臺不意黨人在勢要門牆早為先容竟致沈閣值新按臺
至為余同鄉金公蓮党陰不安自共謀本余會部咨甄別
賢否撫臺列余荐劾按臺又欲會顯陞城堡廳党人亦揣
揣懼值十有六年大計伊探訪余官評稱最其恨愈深遂
捏造單款極力傾陷然終以司冊無過未能大害正蒙降
處報到之日米人老幼泣嗟痛余之公而余舉家慰快謂
得脫苦海且遠避讐也撫按皆諭留候顯照舊管事余力
辭解任出疆之日不能為行李時長兄順為山西澤州守
因赴澤是為歲之七月初旬至十月六日而闖賊破潼關

旋聞陷西安州縣皆望風投敵晉中驚震余十一月自澤
歸里然指逾歲賊鋒已逼晉而東會真定叛卒殺撫臺迎
賊固關失守三路犯神京遠邇震恐父兄親戚咸為余憂
勸遁跡以避余撫然曰一身可隱其於八口何即妻奴可
損孀母何賴乃一蒙難吾何以見先人于地下也况同堂
手足一公族眾寧忍全一己之生貽多人之害乎吾原為
朝廷滅賊計今日為社稷死有餘榮矣何以避為遂連衆
意三月廿一日驚傳思宗殉國余聞之北向痛哭再拜感服
杜門謝客以聽天命四月廿八日聞人言噴之道賊犯山
海敗潰西走余聚親契諸生謝銘石等密謀欲興義師邀

賊以雪國忽擬次日朔舉義旗而次日賊之緹騎到矣先
數騎進城持令箭詭言覓公館寔以覘余之居處也余窺
如有變立街頭待之頃有衙役二人傳為令曹懷玉宗執
余二挺身往見即付賊使白姓吳姓者云萬歲取爾做官
無恐也余隨之行入堂弟大任宅老幼驚避賊坐索飲食
無應者不勝怒肆行欲毀搜掠執一僕為之供應偽官又
遣人來供奉并絆余不使離寸步內外不通一信房午余
長兄來視余始知母妻家口盡下獄一門兄弟俱被執則
澤守兄暨堂弟廩生大顯大任大穎姪銘瑄銘琦從弟諸
生大防大中大謨大訓叔知縣維隆維明族叔諸生有道

武舉有謨寄倉闈邑父老討保長兄始來一面余聞之五
內如剖相對不交一言即與兄永訣矣謝生銘石來探余
耳語曰聞賊已敗大兵且至兄放心行毋為賊屈我將謀
有以脫兄者余顧之初一日執余西行衆為備一塞衛僮
僕散逃老見一市徒相隨邑人觀我者塞巷皆為嚙啼余
欣然就道是日至肅寧二日至安平三日至無極此日大
雨賊衆悉被雨具余露身淋漓行三十餘里次日至真定
入城喧傳萬歲駕將至賊覓衣紅者滿街謂老府兵見余
咸擲楸曰是伐墓人耶帶余見偽帥焉入其三門一賊衣
藍紗者云是旗鼓詢余伐墓始末入後堂稟偽帥訖傳言

且出遂同旗牌至其家宿至次日初五日甫出即有賊來
傳馬老爺上南門發兵候駕至便起行姓吳者遂帶余往
見至街門則云老爺上西門矣復至西城上吳姓者先到
指余曰出城見賊兵自北而南塵土蔽天然皆老幼參差
狼狽伶仃十賊中夾帶男女三四輩全無紀律余見之不
勝怨懣如此鼠輩而所向無堅城致思宗屈沉真可痛哭
也恨余被執不能殺賊見其滅亡耳吳姓復同一任姓者
押余入城至督府前候一二時偽帥不返倏傳曰萬歲至
矣不進城在闕帝廟吃中飯即行二賊人帶余出城至廟
外此時隨余縣役四人止存一王姓者餘暨跟驢人俱亡

矣余自分見闖賊決無生理盡以後事囑王役托其傳語
家人我死于國難無恨也須臾聞掌旗賊眾起身去偽帥
傳諭帶余西行是日至獲鹿之上安次日出固關值闖賊
方殺人死者委積云闖下百姓以塞井放又將賊卒之不
帶弓箭者盡斫斷左手血肉淋漓慘不可言是時押余者
三人任姓者夜遁循縣役遁去遺下一馬余乘之同吳陳
二賊出關見闖賊下馬賊欲稟吳賊握手而過使是時一
言余粉齏矣初七日過平定州西賊中傳言大兵進至核
桃園已抵關下謂後營人馬回防二賊復押余回往平定
東關外候示下至初十日傍晚始傳止調精兵其資重

先行此闖賊已先上太原吳賊同一賊僮押余馬步共八十九夜行一宿天明至壽陽南關搜米覓水炊飯食訖喂馬未飽余伺而卧吳賊出少時其賊僮來催余曰起之牽馬行至南街路西一小門呼余入則吳賊在其內命余拴馬卸行李入室仰卧其僮亦上樓卧余之假寐許久未醒聞馬卧余呼之不起出鞭之再三賊堅卧不覺余遂出門北行迎一賊衣黃者問汝尋得水否余詭曰南頭無水余復北尋耳疾趕至舊店入門見三賊方束裝謂余曰汝已行何復返余曰來取水具身進入其房院有一角門外即壽陽城下河中無水余跳遁城北復上東崖踰牆入空房內

四顧不可蔽復踰垣出北走過二鄉民持挺蓋撫營者詢余何來余詭云亡搜物者舍之而南余北走不百步許聞後面喊散意追者至停步伺之則四五僮父各執槍棍圍余曰汝從賊來耶余應曰我逃難耳索財物余曰赤身財于何藏盡上下衣與之揆破衣二件僅蔽体遂東北行時日方午慮賊所迹潛身山畔土窰中比至晚賊騎來者六七次皆未獲見月出甚高余始敢出穴不繇東西視月所向攀緣上下經堙墓澗澤中燐火螢焰殊非人境至晚逢行路者問所向余曰逃難回鄉問為何許人余詭曰保定諸生為賊所掠其人憐之指從北東北有方山寺可以柶

身余謝之行凡三十餘里遂投僧刹住六日始東行僧眾各贈余錢數十作路費由山僻小徑詢路而行飢則旬食晚宿山廟凡經由上寇之叢殺害余已作乞旬形無阻撓者但聞閩娘子關俱賊兵把守不敢過遇荷蕢者三人識小路隨之入黃流口萬山絕險猿猴所徑林木翳天日遇漫絕處頂踵相磨上天入淵凡數千折始返陸渡井陘大河六七道涉漳沔念余西過時自分不返茲復生還不勝感愴逾真定與同行者二人分路向新樂余循舊路而東肅寧折而北至西柳村問路那人詢姓氏知族弟學在外父王宅傳語來見相淒其留余宿更余旬衣黎明聞炮

聲震天乃土賊為亂閭鄉戒嚴傍午始息借余一蹇僕送至王家莊胡完為妹丈太學生永清其尊人舊河南太守龍江公暨其長公鈞原在門見余未驚喜交集相持啼噓入見二妹不勝痛悼次日遣人報信至縣老母嵩三僕來接傍晚到縣遂逢猛雨月行抵舍親戚族眾慰勞者塞戶謁老母悲慟欲絕真再生相見猶疑夢寐也是為五月廿九日計被執時正滿一月憶余先曾祈閩聖籤有直須重見一陽後始可求神望佛持之語余至真定為五月五日聞賊至自分必死幸賊勢迫促未見至壽陽而逃則重見一陽之說也先一日宿山中朦朧之際耳中聞先大人聲

曰沈苦中又苦成傷而又傷甬第見佛聖現光即生矣隨見有圓光大如初出日金光燭燦內有佛菩薩騎獅象而過皆有鬚髯不類素常所見像須臾光散其清如鏡正照余身而覺天明至壽陽遂獲脫難順治元年仲秋既望再來人邊大綬識于長安僧舍

塘報稿

陝西延安府米脂縣為塘報事戒自正月初二日奉制臺密兆隨叟貢士艾詔面諭議宜尋訪李成去訖至初八日艾詔回縣云白榆林尋得李成來見戒隨追後堂詢問稱言伊闖賊里人曾為賊祖葬坟因識其墓所賊祖李海父

守忠係本泉縣隄泉都二甲人闖賊名李自成幼曾為僧俗名黃來僧為婢氏牧羊奴自崇禎三年西川賊不沾泥作亂流入賊營不知下落至崇禎九年賊領人馬千餘來縣城外自通姓名回家祭祖歸稱闖將人始知其姓氏今年月已滌不記其祖葬處當時葬日開土是三空穴內有黑碗一箇因填其二穴用一穴安葬仍以黑碗點燈置墓內令但伐有黑碗者即賊祖也戒隨叟練總黑光正僅長官王道正率領箭手三十名鄉夫六十名即刻起身入山一晝夜行二百里始到其地名三峰子住宿是為初九日夜下大雪滌二尺餘山路混滑馬不能進賊下馬步行五

六里至其山鳥道崎嶇久絕人蹤旋開道攀援而上又一里許見窰舍十餘處墻垣尚存即闖賊村庄再過一山則其墓也四面山勢環抱氣象雄奇林木叢雜不下千餘大小墓二十三座伐五六塚其骨皆血色油潤不似遠年枯骨然皆黑碗踪跡天晚難以下山遂坐賊窩窟中一夜至天明再撥數塚而黑碗見即李海也其骨色墨黑額頭生白毛六七寸許其左側稍下一塚是李守忠墓頂上長榆樹一株其粗如臂根枝四圍籠罩用斧砍斷其墓始開中間盤白一蛇一條長一尺二寸頭角巍然揚起三寸高向日張口復盤卧隨取裝入黑光正盛袋中伐其骸骨凡骨

節間皆綠如銅青生黃毛五六寸許其餘骸骨有毛者七八塚盡數伐擗聚火燒化大小林木千餘株悉行砍伐斷其山脈賊墓已破王氣已泄賊勢自敗其黑碗白蛇呈驗軍門訖理合塘報 崇禎十五年正月十四日朱脂縣知縣邊大綬塘報 陝西總督軍務汪喬年手扎讀來諭旨見門下報國熱腸茅須察訪的確莫使波及無辜庶天理順而人心易亦成也他日滅賊當以門下之功為首此覆汪制臺再扎 來扎知闖墓已伐可以制賊死命他日成功定首叙以酌草覆

御史題奏秦中死難各官并榆林失地情形疏

十七年正月二十八日陝西監軍御史霍達題為秦中死
難各官并榆林失地慘傷情形仰祈 聖明并議優卹以
示風勵事臣凡遇寨中逃出之人即亟細加查問其中有
守城慘死各官關係名節是為勸懲者謹一陳之賊攻
省城如撫臣馮師孔力戰不屈死按察使黃綱自縊死長
安知縣吳從義投井死渭南知縣楊暄城陷被執不屈死
已經按臣金毓峒具報訖今所聞如商維道臣黃世清聞
賊攻破潼關自縊死于本道衙門蒲城知縣朱一統賊攻
奮力守城因三四快手投賊立脅歸順本官語以更衣身
把印信投死本衙井中若鄉紳則原在磁州道祝萬齡聞

賊破城身依一帶速至關中書院斯道中天閣下哭拜
宣聖從容自縊死而賊掠三邊由郿延及榆林中鄠知縣
朱新達自知守城不支先令其妻妾各自縊死有一妾尚
不配合本官急遣之去其妾垂泣情甘投縊然後本官亦
從容弔死此皆聳破潼關各官死難之情形也十二月十
五日又據清澗縣據汾州府鄉戶任尚卿從榆林城北草
地逃出將羸願與茶商十一月十一日入榆林城正過一
夜至十二日逆闖差偽官到榆林城下將銀數萬招降各
官而道臣都任併闕廢摠兵王世欽侯世祿侯拱極尤世
威各堡精健俱斂入城遍集城內官兵而問之曰爾等或

守或降說定主意使作區處滿城之人皆一詞唯願死守于衆志守城自十二日講至十四日晚不能得降遂于十五日早四面犯攻城垣用大炮日夜攻打城上亦用大炮弓箭扼敵數日內城牆打壞數處賊人從城南用控洞而入當時東南城塌壞數十丈遂于二十七日午時城陷而城內各鎮將與賊頭巷戰自午至晚往返衝突官兵死傷殆盡力不能支僅存千餘人從水西門殺出逃入草城外打死賊衆約以三四萬計打傷賊頭目遇天星亮將官等五人招回省城而城內官兵與合城婦女投死與自盡投井者靡有子遺又據兵部差官探聽得榆林現任總兵王

定潼關敗回之後同高杰俱到延安府十一月初四日賊將到時高傑率兵渡河王定奔回省城至十二早帶領夷漢家丁數千人投入草城說要調取達子與闖賊廝殺報仇等情到臣看得逆闖攻入潼關以來陷省城破州縣人無固志所在瓦解而死事各官如撫臣馮師孔見危授命抗節不屈被賊殺在東城憲臣黃綱道臣黃世清誼不共戴義奮激烈皆自盡于本署知縣吳從義朱一統朱新達以天潢令尹合家難尤為獨慘鄉官祝萬齡生前身任名教臨難從容就義兩當與見任各官并行從優議卹以鼓忠義者也至榆林素稱忠義之臣年來餉絕軍飢困

苦萬狀聞賊成脅利誘竟無一人為之易志即賊惡攻三晝夜力竭城塌各賊入城猶巷戰終日殺傷甚眾率致慘亡滿城忠義萬人一心從來未有多聞雖各官存亡尚未得的據而死守情形已極真切所當再行察明另請優卹以新殊典者也若夫未亡各官受賊偽官偷顏苟生者紛紛藉藉殊駭聽聞容臣再疏入告

殉節各官籍貫

陝西巡撫馮師孔閩河南原武人丙辰贈右都御史按察司黃綱李河南光州人壬戌贈太常寺卿商維道副使黃世清澄滕縣人甲戌贈光祿寺卿榆林中右叅議都任私

祥符人癸丑贈光祿寺西安府長安知縣吳從義歲大興籍山陰人庚辰贈會蒲城知縣朱一統霞山西平定籍鳳陽人庚午延安府中部知縣朱新達開山西汾陽人宗貢閩家鄉紳則有原任磁州道祝萬齡嵩丙戌咸寧縣籍金谿人

癸未本邑陷殉難

原任總兵王世欽 陝西總兵侯世祿王榆林衛人 山海總兵侯拱極樞榆林衛指揮同知尤世威 王學書王世國 延安總兵李昌齡玉山東鎮番衛籍榆林衛人 渭南知縣楊暄吉山西高平縣人庚辰

附錄蒼舒兄百陽雜筆

秦昭王使白起伐楚略取蠻夷始置黔中郡漢興改為武陵有五溪謂雄溪藉溪酉溪瀘溪辰溪在今辰州界是蠻夷所居皆槃瓠之子孫也東漢初渠師曰精夫槃瓠之後指作朗沅水出牂牁故且蘭東北經辰州潭州岳州經洞庭湖入江武漢溪在靈谿縣四百八十里卽五溪之一酉陽縣舊屬武陵郡漢黔州彭水縣地所謂五溪蠻也辰地早煖正月初杏花大放元宵節桃李鐵梗海棠盛開正月初梨花發吐二月望卽見牡丹至二月盡三月初花事翻寒落矣詩柄有燈夕桃花雪裏梅花映雪海棠帶雪梨花

諸味皆寔錄也 辛巳年十月辰溪東門十里亭桐子樹上生一大刀狀如偃月又生一釘共托一根其狀酷肖卽刻畫有不如者解肝府庫自常武抵辰婦女足步自然足統輪纏隻日右足隻日企足 俗供神像有：頭而無軀者名糶神一手思紅面蹄東山聖公一珠絡窈窕蹄南山聖母兩人兄姝為婚不知其所自始楚黔皆康祠之 婦女耳墜若番僧銅環男家聘婦用墜卽表于耳有重至一兩者 嫁女用嫁履盈筐廟見後出以送其夫族履即草楚俗信巫尚鬼皆虛中堂供佛獨不置灶突炊烟冒屋而不得出蒸而為煤薰而為游更可笑者門廡廳樓簷宇逼湊

不露一隙光明城外曠處亦然 楚人作門戶檻最高門
最低稍長者必俯首出入偶一忘懷必遭磕擊此戶皆然
辰俗動以強奸誣人教其妻堅執其所訟者首尾捏造若
有粉本吸視其妻則禿項黛面顴腹巨擘滿堂匿焚而長
舌益厲痛治一二乃絕 僧素寂澄抱牒訴云急救妻命
事牒陳施主公助娶妻蔡氏與隣人爭田被擊訊之果髡
而有室者此地髡而中髡而娶不足奇也 辰溪生女多
溺死故女甚貴再婚者亦湏三十餘金前夫久而復訟謂
之朶數訟牒中十有六七甚有男僅三四十而女人已六
七十者其老死不得娶者又比之也 辰俗棄妻不以為

異其退婚券中立誓云一休二休十離九休高山磊石沉
落深溝清白親夫永不回頭 辰俗迎春廩生二十人皆
公服乘馬前導迎新官亦然禮主即廩生為之 有叔訟
姪者稱其夫婦曰蛙夫蠶婦亦新 辰俗呼溺曰觀風
呼外父曰家公外母曰家婆妻曰婆娘娑而係之以娘尊
之也非賤之也向人稱妻兄弟為舍舅呼叔曰晚之言其
晚得也亦有稱父為晚之者言認為叔之子易長養無刑
剋也尋常稱呼則稱父母為家爺家娘又有稱哀姐者
辰字多訛不問字義即一人而自寫姓名前後矛盾有當
民熊孟魁投牒再為孟奎三為孟逵後則以孟為夢以魁

為虧其可笑如此 凡入官必寫如官以如為入也有廩
主湯仁洽或呼之為仁合或曰仁怡又有庠生蕭洽露亦
曰怡露 禮房書辦他出寄書于其妻與不干人笑賑其
書云我投已蒲該得工食爾可與他美倘若美得明爾可
與他美你若是美得不明且不要與他美待我婦自與他
美 一訢牒云吹毛求疵令人絕倒然如此類者甚眾
季考諸生題為以能保我子孫黎民有一生起比云民自
黎也不關子孫事也子孫自子孫事也不關我事也童生
題為與鹿亦遊一生云舜父頑也而舜與之遊鹿亦與之
遊然則鹿其頑矣乎舜第傲也而舜與之遊亦與之遊

然則亦其傲矣乎

榮潘金印重十七斤今寄辰州庫府 癸未年河南掘一
石碑上有字去眾姓孽惡貫盈借彼手伐伊人咸陽起梁
晉落一卦川分三坡空據要地終無利一旦身亡石牛角
另一行云左良玉至此無糧後云劉伯溫留記 近又掘
得碑記云遠望道之路骨多壯士紛之把釵磨水居燕國
歸南土血染滇黔流楚河馬尾羊頭猶自可難猴相鬪奈
如何若得太平寧靜日金猪銀犬息干戈 偏沈季乾德
行檄至懸言近日蜀山崩出石碑云今日流明日流之到
如今斷了頭張也敗李也敗：出一個好世界時李炎張
獻忠世燾

敵賊的名自成一名炎陝西米脂人 癸未冬末賊勢張甚忽童謠云勸爾休時不肯休死在兩縣夾一州若還要取辰沅靖鐵樹開花水倒流 公安石首夾澧州賊退屯其地 癸未夏初武昌白日中二龍墮長街業已僵死其腥異常五月晦張賊陷城屠戮最慘長街一帶約數里靡有子遺 楚中之變億兆被劫肝腦塗地不必言矣惟天潢一派分封楚地最多如武昌則有楚府衡州則有桂府長沙則有吉府嘗德則有榮府寶慶則有岷府蘄州則有荆府襄陽則有襄府荊州則有惠府岳陽則有華陽府永州各縣則有岷府蘄陽分封承天則有顯陵各有守兵一

聞賊至望風而清何嘗與一交手致金枝玉葉望炭流離如惠桂兩藩係 帝親叔而所至迫逐無容身地更可憫也 武崗州岷藩多行不義百姓勾賊攻殺被害癸未二月二十

一日 惠藩於十二月二十八日舟次岳州大風忽起破

報 其船二十餘艘襄唐兩藩于正月二十三日舟次岳州之

陳陵磯五鼓亦發大風破其船百餘兩藩官眷及治院從

官僅以身免 荊州瞞月十六日破惠藩于初九日先移

入舟偏沅都督御史移鎮荊者為陳膚謨武進人庚戌徵

服豫道今與 惠邸寓湘鄉知府陳志忠臨州人奔岳州

長沙既陷 桂藩護衛一空王出走百姓奔散賊隨據之

永興衡隣衡陷永必不全潰兵四五萬奔入永州騷擾民間先竄一空九月十九日賊至僅五六百人而四五萬兵望風奔潰自相踐踏死者無算直指劉熙祚武進人甲子被執不食六日自縊死或云被殺子寧鄉宗師廟署永府篆者鄧推吳晉錫吳江人庚辰先奔歸籍後遁居省城劉劬思自永州被陷為賊所執于癸未九月二十七日殉節于永陽臨絕賦詩二章題于署中有云倥傯軍旅已逾年家室追遙久別顏南北骷髏驚作累湖湘宮殿倏成烟鶻血不沾無塚骨鳥啼偏集有孤田死生遲速皆前定堅此丹心映楚天 故園隔別已經年今顏非復舊時顏山

川草木皆含淚貔虎旂旌盡作烟老婦漫勞尋蝶夢兒孫劫莫種書田萑弘化碧非奇事留此孤忠向九天 惠桂兩藩俱于九月十七八抵永州舟載官眷輜重將往廣西全州僅距一百二十里湍急弗能上十九賊至兩藩乘馬逸官眷俱被掠 長沙與衡州接壤守長沙江口賊不得渡八月間桂府募兵六千將尹先民頗驍勇統兵據浮屠施炮設柵業有次第而撫治王聚奎必欲另兵守城尹曾痛言守江為上守城非策剛復自用不用其謀賊偵無備果一擁而八王先遁尹戰死道臣馬雲起長洲人乙丑遁免鄧推蔡道憲明晉江人丁丑殉鄧難邑令吳應恂宜興

人丁丑亦先走蔡公罵賊不屈被磔楚中撫治王聚奎
鄱縣人戊辰隨惠桂兩藩奔廣西梧州 桂藩体肥重興
夫須十八人乃舉有別苑十二區每區集女樂百二十人
癸未之變孔全斌副將步兵先於衛城外劫典舖桂藩即
集諸女樂并宮女共二十餘人聚而燔之蹄呼震天并宮
殿俱付一炬孔將守長沙其潰也孔不知所在部下統兵
官郭天才傳大任退聚洪江恣行擄掠橐中各擁重貨皆
掠吉藩者傳係孔將門後廝養為將時事可知 吉藩最
富拋擲幾千萬金榮藩最貧每年僅仔粒萬金耳其始奔
也僅挾五千金富辰谿久貨盡 襄陽壬午臘月初二日



破襄藩出奔撫治王永祚崑山人己未并逃與 唐襄兩
藩避長沙宜興知縣陳美石新建人乙卯死之長沙距衡
陽四百里八月二十五日長沙破桂藩即以二十八日出
奔越一宿而人民逃竄盡矣城空賊入未嘗破也賊于九月十五
日始長沙史可鏡登戊辰進士為土垣長艱歸被察扼腕
不平賊到即降授偽巡撫賊去團兵獲之以獻備沅寇破
荊州考試諸生就試者九十人取七人首名賞三百金不
取者各十金題為三分天下有其二後告考者甚衆賊云
此皆開門投順不忠之士也盡殺之鄖陽旁縣皆破唯府
城賴西洋炮得全知府余啓元望合肥人壬子趙擢治院

衡永潰兵盡聚洪江屬淑浦縣約萬人所掠婦女二千餘人子女玉帛不可勝記 統兵將官為郭天才偽撫李乾德聞澧州既復統兵至淑浦聞常澧復陷即引兵而還不發一援不動一矢奇矣哉 尤師曾三擒張賊張詵之云公爵永尊素永厚不若釋我以為外懼賂之數萬左領其言遂殃全楚趙公子無瑕曾陷賊中言賊寔畏官兵夜不釋甲不離馬所官兵無一與之敵者線索暗通遵尤令也聞賊部下有支張賊老狃二曾操一斗粟皆受其節制老狃：聽調而不聽宣張賊逢人則殺願西部兵得其致劉鐵棍書勸劉降賊乃痛杖五十發沅州詳審撤具又杖二

十欲其速斃而頑鈍不死想天厭其惡也 劉鐵棍時為

副將駐武崗有勇兵靖州一帶賴以全隨陞總兵 湖廣諸府不一年而失十四府所存者唯辰州耳襄陽以壬午十二月初二日破荊州以十二月十六日破承天以癸未元旦破漢陽以三月十一日破黃州以三月廿三日巳時破武昌以五月三十日破岳州以八月初五日破長沙以八月廿九日破寶慶以九月初五日破永州以九月十九日破嘗德以三月初十日破十一月廿三日子時再破唯鄭陽德安之破不記時月日 承天府癸未正月初一日申時破湖廣巡撫宋一鶴鶴清苑人庚午守都張鳳翥威宿松人

辛未 鍾祥和縣蕭漢泉南豐人丁丑死之巡按李振聲
米脂人甲戌投降兵錢中選華亭籍大同衛人被擒楚
中傳言張猷忠子癸未四月廿三日已死有九子今搗獺
者其長子張錦也 犯衡陽者為賊張猷忠第四子孔全
斌被殺盡收其兵趙公子見其行軍長四十里見馬則搶
人多不殺 瑪瑙山之戰左兵甚銳張賊窘極墜崖傷一
手大兵雲集給一日糧即可深入西川撫郅捷春侯官人
己未遲迴不發致賊復還楊閣部以情聞 上郅雖速死
而張賊用狡計破襄陽全羅福郅死不是贖也 自賊中
逃還者言張猷忠詭譎百端今見在未死為丙午生向傳

其死者乃其狡詐也 嘗德屹然巨鎮為全楚咽喉滇黔
門戶楊文弱請加雉堞金湯甚因道臣潘士彥宛平人辛
酉忽于正月十七日倡逃夜半開出走為 榮藩宗室刺
其輜重道臣及家眷僅以身免其籠人睡鞋為衆掠得跣
而出門潘守嘗德甚久有潘打劫之跡甫晉兵巡值分守
兵備俱缺手握三篆而勤王募兵為名公然遁出致民無
固志重地尾解寸磔不足贖也嘗德自道臣逃後還徒者
殆無虛日兼荆之逃奔周晉者向為偏沅中軍統兵三千
肆掠城市 榮邸不得已于三月初三晚逸出時世子甫
半週國母止二十二歲周弁勾賊而賊已空城不足厭其

欲逡巡良久于三月初十日始至城中何嘗破掃空以待
之耳嘗宗室初四日欲出即不可得間皆被害已而周弁
為劉直指訪挈杖死 嘗德自三月破後賊去而逃民斬
復我鄉徽籟大曹紛之重載而下有五百人作駭附大海
舟鐵猫桅杆急作吼聲徽高溪南吳姓者亟以桐油賊售
販豈還浦市不數日而嘗德復陷四百九十九人無一免
者嘗德秋間稍定榮藩以十月初復歸至再破而一掃無
遺矣獨國母幼藩幸得保全榮即承奉云賊有老成者亦
不妄殺人惟宗室無得免者 潘士彥以勤王為名隨地
道遙正月二十七日至桃源縣復被士民驅逐二月初至

辰州聞榮邸播遷三月初六日又携家眷至辰谿後聞
榮邸將至十五日夜半家眷先逸士彥隨發其行也酉陽
士子叢而詬之面責其悖 署武陵縣事者為會同令周
麟先招靖州兵守護 藩邸統之者為王守備名中錫三
月二十一日晚藩邸舟至辰谿守備繼兵肆掠設令乘輿
飛石亂擊旁若無人酉陽風養算兵歸精悍開關而起百
姓助之金鼓震天亂兵驚遁邑得以全 温如珍係四川
總兵初奉旨調守承天部兵六千人壬午十二月二十八
日至承天癸未元朝城破温頭被一刀墜城濠莫泰將救
之得生六千人皆散失沿途收潰卒四五十人至嘗德復

招兵六千皆市滑游棍否則亡命為盜者也既無糧餉惟恃劫掠嘗武人恨之入骨冬月賊再至其部下弁流錢姓者統一千三百人禦之牛皮潭人殊死戰而後五營先奔五營者黔將譚得勝楊得功李奇監軍李之晟土司于騰龍也五營既清温亦繼之而一千三百人皆飽賊解矣今温寓辰谿部兵僅存四千皆不可用 温總戎察數勇衛籍雲南臨安人初調守承天則棄陟而逃退屯嘗德恣行搶掠慘暴遇賊其部下五月不給糧專倚打撈為生及賊再犯嘗德又望風先遁輜重山積皆棄不谿竟颺歸矣温兵過辰邑約三十有餘內婦女未及百人其妍麗者不過

二三人聞其在益陽擄汪右巡撫郭天門女勒索五千金贖女方有娠温竟置幕中至宴客呼令佐酒坐客有泣下者温弁自奉僭侈動用什物皆金銀製造姬妾近二十人為賊擄去十二人僅存其八有優女一班未動也 官兵公途擄掠所得婦女歸為兵眷 嘗武賊再退後揚仲丹遣人偵之民間家俱一牌上書西府萬、歲順民某人左鄰某人右隣某人而其家則屠戮無遺矣聞賊審是官兵則斫其手城中手幾百擔白晝鬼躡不見影 玄墓山僧旭初以募緣至嘗武王府供養冬月之變隨顧弁走踰桃源追者躡其後僧登崖墜澗死者不計其數僧以為賊大

隊至矣及數之止十六騎了而四五千人之望風急遁自相踐踏焉用是赴：者為貴督遣副將羅姓者統三千人剿賊二月廿六日到辰谿停泊三月不行閱其行牌尚是十月廿九日貴省距此僅十餘日而道遠四月俟賊蹂躪既遍屬厭而去援兵方下嘗武以恢復為名近來可笑大都類是辰州有哨兵二千餘人臘月初二日調至辰谿十三日始去停留十許日近縣樹木皆斧為薪自童叟以至拱把無一免者始猶偷竊漸成公市一日一兵可得四五分數日未價浮千金矣諸兵無糧全仗打撈為生又值歲荒唯得蘿藦一味為朝夕饕餮當事者初以急調稍寧

即置不用數日後復返而無人色噫兵驕將惰固今時大病迴欲其忍飢寒而驅之死地不大難乎辰州節推胡會賓桐城籍雲南又據概任事加銜兵巡統兵復禮州益陽近嘗德再破則已殉節真烈丈夫矣後子節溪佳崖墜得屍已喪具元其子認曲指腿痕而得之左良玉先為李賊殺敗心胆俱裂統兵數萬過承天而不援直下省會人皆以叛兵目之正月初置酒高會其部下皆子女玉帛充溢所為數萬者婦女老穉居其過半寔四萬人而已元夕擬張燈大會忽報賊抵漢川連夜遁去遂下黃州闔城餉收下九江安慶罷掠客商焚劫百姓居然一叛叛賊

矣 朝議憚其擁重兵乃事姑息加銜頒賞何晏養癰今
賊既去仍還省會以恢復為名酒色太過暨暨而行民間
有畏之若虎良玉戊戌生 張敵忠令泉云西部平南先
鋒將云云其詞悖逆不能悉舉摠為楊閣部而發有云楊
某另動天下矣馬與予為難其子又到處團練鄉兵敢行
抗拒楊 已中吾刃令掘其坟墓燬其房室有掣得楊族
一人者賞銀十兩有掣得其親子孫兄弟者賞銀一千兩
後書癸未十二月日上有平南先鋒印楊公子仲丹親取
出見者 楊氏本南直建平縣籍 國初以赤籍隸武陵
令族亦僅百指列衣冠者二十餘人甲科尚存二人薊撫

無山公其一也

修齡之祖
曾為梁匠

嘗德夏秋賊退民居重搢十已

七八仲冬重破恣行焚燬髻鬣不留屍山血海聞者傷心
故相傷文弱三子及其弟侍御無山一子幸而得脫 楊
閣部戊子生庚戌二十三成進士庚辰死封疆年五十三
楊大司馬隆齡公墓癸未冬為賊所蔽舊榮王乃王太妃
子年十四而殂 太妃哀之罄宮中珠寶金玉殉葬癸未
春亦被蔽 楊氏四世墓俱被蔽大司馬修齡公及其祖
父骸骨皆燔而粉之雜草刺以餉牛馬閣部公獨葬沅江
縣在天星湖之濱距武陵三日被蔽時麟玉肢體如故賊
支解其屍龍陽百戶收其元首及一子宋具懿戚認定不

謬揚修齡公父葬已四十年癸未冬盜生刀斫其頭鮮血噴出賊見而異之攻逸出先是蕙圃翻里中一日出郊外有被髮而爭鬪者若不欲生訊其故則其人姓萬川客販椒為牙僧負二十四金有蕙欲歸索不得耳蕙圃慨然如數應之其人感識姓名而去歐當寇時僅一子七歲以為死矣乃為賊擄入川恰寓萬姓之地地方殺賊而留其穉各詢所自子能言其父祖名姓萬抱持泣曰此子恩人子也乞養之亡何而其上官湏姓者無子轉字為子蕙圃不知也偶其宗人入川邂逅萬客附一俟至從湏索之湏不能諱然百計難留蕙圃因其年伯陳鹿茸時為偏沅持合牌令箭開闕數十里而往始得其父子重合子已十八歲矣子出手示人合手兩指半削則初擄去時馬上罵賊以刀斫之故也

明季實錄卷之四終

國家圖書館 NATIONAL CENTRAL LIBRARY TAIWAN R.O.C.